

爾

雅

正

義

爾雅正義卷第十四

大司農校理翰林院編修加級教習庶吉士充國史館纂修官邵晉涵撰集

爾雅

釋草第十三

正義

洪範以庶草蕃蕪爲五是來備

官九職一曰三農生九穀二曰鬲圃毓草木三曰虞衡作山澤之材八曰臣妾聚斂毓材冢宰經制國用草木之殖分任以職正名辨類因其土宜故上無價用下無曠土曲禮述殷制天子之六府其四爲司草鄭註以爲卽周之稻人是庶草以稻爲重司徒頒十二職事一曰稼穡二曰樹藝三曰作材八曰斂材與冢宰職同其以土會之法辨其物生川澤宜膏物墳衍宜莢物原隰宜叢物鄭註謂膏當爲藥字之誤也蓮芡之屬有藥韜莢物齊芡玉棘之屬叢物萑葦之

屬辨壤知種以教稼樹藝庶草所由蕃蕪也
草與木皆根於下土垂枝於上故皆謂之側生
淮南原道訓云秋風下霜側生挫傷高誘註草
木首地而生故曰側生其成實則草與木異文
子尚德篇木實生於心草實生於莢是也此篇
所釋或別其異名或詳其形狀或以類相從或
前後互見多切於民用不徒爲典喻之資焉說
文云艸百卉也徐鍇云總名也說文又云草草
斗樛實一曰象斗徐鉉云
今俗以此爲艸木之艸

崔山韭茗山蔥勤山饒蒿山蒜

註

今山中多有此菜皆

如人家所種者茗蔥細莖大葉

正義

穀梁宣十五年
傳云古者公田爲居

井竈蔥韭盡取焉范甯註家作
蔥薤蒜俱爲人家所常種內則云膾春用蔥豚春用
韭脂用蔥膏用薤又爲飲食所恒需也故先及之其
生於山者別釋其名○崔山韭○說文云韭菜名一

種而久者故謂之非象形在一之上一地也夏小正云正月剛有見非剛也者剛之與者也爾風七月云四之日其蚤獻羔祭韭是夏小正以非紀時爾風則以夏時仲春二月開冰先薦寢廟而祭用韭也春初百彙未目唯韭先見於爾故薦時食者有取焉春秋繁露祭義篇釋四時之祭云春上豆實豆實韭也春之始所生也何休公羊傳亦云春薦尚韭山來舊矣典又云初歲祭耒或曰祭韭也春祭尚韭山來舊矣典禮云韭曰豐木鄭註豐茂也古者重豆實故爲別製以名與剛鼠柔毛同爲祝告之辭其謂之豐木者殆以韭爲易種而滋茂與韭之生於山中者名藿說文云藿艸也詩曰食藿及藿說文據韓詩爲義早韭宜於春初六月食藿庶人之食也南山經云招搖山有草焉其狀如韭註引瓌曰韭爾雅云藿山亦多之藿誤爲藿又以爲山名非也藿木作藿說文云藿山韭也○茗山蔥○說文云蔥菜也菜艸之可食者曲禮言進食之禮醯醬處內蔥涿處末鄭註涿蒸蔥也是蔥與醯醬皆進食所恒需也內則云麋鹿魚爲道膾

爲辟雞野豕爲刺兔爲宛脾切蔥若薤實諸醢以柔
之少儀與內則同鄭註云以醢與韋菜淹之殺肉及
腥氣也是爲蒹者必用蔥薤以柔和之矣蔥之生於
山中者名茗說文云茗艸也繫傳以爲卽管子所云
齊桓公伐山戎出其山蔥者是也衆經音義引爾雅
舊註云茗一名山蔥并州以北多饒茗蔥也茗廣成
頌謂之格見後漢書茗格古字通○勤山註○說文
云薤菜也形似韭少儀云爲君子擇蔥薤則絕其木
末孔疏云本根也蔥薤根不淨末萎乾故擇者必絕
其二處是薤與蔥皆君子所常御也薤之生於山中
者名勤蘇頌本草註云山薤與家薤相似而葉差大
○嵩山蒜○說文云蒜薤菜也夏小正云十有二月
納卵蒜卵蒜也者木如卵者也納者何也納之君也
小正所謂卵蒜其卽後世之獨薤蒜與蒜之生於山
中者名蒿本草蜀本註爾雅云小蒜野生小者一名
蒿是蒿爲小蒜也物類相感志引孫炎云帝登蒿山
遭蒼芋卓毒將死得蒜乃嚼之解毒乃收植之能殺
蟲魚之毒攝諸腥羶誤以蒿爲山名疑非孫叔然之

說也。註今山至大葉。○正義郭以崔勤蒿之形微與常用之韭薤蒜大致相類特以生山中而異其名爾。茗蔥細莖大葉者北山經云邊春山其草多蔥韭郭氏彼註云蔥一名茗大葉與此同。

薛山蘄註

廣雅曰山蘄當歸當歸今似蘄而麇大

正義說文

云蘄草也繫傳不言爲山蘄以草之名蘄者不一種也山蘄一名薛一名曰蘄葉似山鞠窮七八月之間華其色紫。註廣雅至麇大。○正義本草云當歸一名乾歸不云名山蘄廣雅以爲山蘄卽當歸據時驗也郭云當歸今似蘄而麇大者釋文云蘄古芹字當歸葉似芹較麇大爾古今註謂古人相贈以芍藥相招以文無文無一名當歸芍藥一名將離故也說近凡俗然漢末人卽有以當歸寄遠者是亦舊時相傳之也說

椴木堇櫬木堇註

別二名也似李樹華朝生夕隕可食

或呼曰及亦曰王蒸

正義此廣木蒸之名也鄭風有女同車云顏如舜華毛傳舜木

槿也說文舜作舜莊子釋文引司馬彪云椿一名樛樛木槿也崔譔亦以爲樛華蓋因有木槿之名故樛字从木然木槿實爲草類是當從說文作舜華矣月令仲夏之月木蒸榮鄭註木蒸王蒸也高誘呂氏春秋註云木蒸朝榮暮落是月榮華可用作蒸雜家謂之朝生一名舜詩疏引陸璣疏云舜一名木槿一名樛樛一名曰樛齊魯之間謂之王蒸今朝生暮落者也木蒸易生之物今所在有之**註**別二至王蒸○**正義**詩疏引樊光云別二名也其樹如李其華朝生暮落與草同氣故在草中郭註畧本樊光禮記疏引郭氏云別二名可食或呼爲日及亦云王蒸其花朝生暮落與今木字句微異

木山薊註

本草云木一名山薊今木似薊而生山中楊

抱薊註

化薊而肥大今呼之馬薊

正義此別木之名類也木之生於山

者名山薊楊一名抱薊卽木也木說文作茱藥傳以爲茱苗似薊也中山經云首山多茱茷郭氏彼註云茱山薊也今木以山中自生者爲夏故山薊直名之曰木抱薊亦木之類徐鍇以爲卽今赤木是也釋木草至山中。**正義**木一名山薊神農本草之舊文後代名醫增益則曰一名山薑一名山連又引吳普木草云一名山芥一名天蘇所以廣異名也唯山薊之名合於爾雅餘皆方俗異語爾陶宏景云木乃有兩種白木葉大有毛而作柘根甜而少膏赤木葉細無根根小苦而多膏案爾雅別山薊抱薊之名陶註分木爲二種者是也郭云木似薊而生山中者顏之推以爲木葉其體似薊徐鍇謂木形似刺薊但等別似杜鵑而青紫耳。似薊至馬薊。**正義**郭意以抱薊較大於山薊也後人釋木草者以抱薊爲白木蓋徒見於陶註謂白木葉大而傳合其名殊不考郭氏所云肥大者不專指葉而言也今赤木苗高二三尺葉抱莖而生色似棠梨近根之葉岐出若鋸齒蟠根如蘼較白木爲肥大當從徐鍇之說以赤木爲抱薊也

一名馬薊者抱馬聲
之轉今人呼爲蒼木

蕭王薺

註王薺也似藜其樹可以爲掃薺江東呼之曰

落薺

正義說文云蕭王薺也廣韻作蕭王湛徐鍇云
今落薺草也今落薺或謂落藜初生時可食藜

之類也

註王薺至落薺。**正義**王篇云王薺王薺也

草可爲薺與郭註同本草有地藨陶氏謂根苗可爲
掃薺唐本云北人名涎衣草或云卽

落薺子也圖經云其苗卽獨薺也

菜王芻

註菜薺也今呼鷓鴣脚莎

正義小雅采綠云終朝

也衛風淇奥云綠竹猗猗毛傳綠王芻也釋文云綠

爾雅作菜音同詩疏引舍人云菜一名王芻李巡云

一物二名說文云菜王芻又云蓋艸也案本草則蓋

草卽王芻矣太平御覽引吳普本草云蓋草一名黃

草以其可染黃也唐本云葉似竹而細薄莖亦同小

註菜薺至鷓鴣脚莎。**正義**詩疏引某氏曰菜鹿薺也

類本草引孫炎云卽蔞草也今呼爲鴨脚莎
郭註本孫炎詩釋文引郭註作今呼白脚莎

拜蔞藿

蔞藿亦似藜

正義

拜一名蔞藿說文云藿釐

俗所謂灰藿也紫今灰藿莖有紅縷葉銳而青其背
則白葉有黑點若著沙矣四月初生可食五月高至
數尺秋開細花
色白結子如穗

紫皤蒿

白蒿蒿

註

今人呼青蒿香中炙陷者爲蒿

蔚牡蒿

無子者

正義

此別蒿之種與其異名也。

由胡由胡者紫母也紫母者旁勃也名南云于以采
紫于沼于汜左傳云藜藿藿藻之菜此紫之主於水
中者今溪沼間春生白紫細脆可食古者夫人執紫
菜以助祭故鄭箋云以豆薦紫菹紫可以生蠶故幽
風七月云春日遲遲采紫祁祁水中之紫至秋麤大
秋盡水涸枯壅陂塘遇風卷之則起爲蓬矣紫亦有

生於平地者詩疏引陸璣云凡艾白色爲皤蒿今白蒿春始生及秋香美可生食又可蒸一名游胡北海人謂之旁勃釋文引本草註云此蒿葉麤於青蒿從初生至枯白於衆蒿所在有之又云葉似艾葉上有白毛麤澀俗呼蓬蒿可以爲茹此言陸產之白蒿也○蒿藪○說文云藪香蒿也或作藪小雅鹿鳴云食野之蒿疏引陸璣云蒿青蒿也荆豫之間汝南汝陰皆云藪也案今青蒿所在有之根葉俱青其氣馥芬南人夏月以代茗飲故許叔重以爲香蒿○蔚牡藪○小雅蓼莪云匪莪伊蔚疏引舍人云蔚名牡藪陸璣云牡蒿也三月始生七月華華似胡麻華而紫赤八月爲角角似小豆銳而長一名馬新蒿也案馬新廣雅作馬先卽因座也因座今謂之茵陳亦蒿之類然與牡蒿有別陸氏合爲一物始考之不審也註自蒿○**正藪**詩疏引孫炎云白蒿也郭詁本孫炎采蔡毛傳云皤蒿也七月毛傳云白蒿也互文見意以皤卽自也說文亦云皤自蒿也○今人至爲藪○**正藪**詩疏引孫炎云馬先之間謂蒿爲藪某氏云江湖間

曰蔽是青蒿卽爲蔽郭云香中炙暗者爲蔽據時驗也今時青蒿俱香中炙暗。無子者。**正義**牡蒿之名因其無子也或曰子纖細不可辨故人以爲無子

齧彫蓬薦黍蓬註

別蓬種類

正義說文云蓬蒿也月令云蔡芳蓬蒿並與蓬類至

駁其生易殖別其種類則齧爲彫蓬薦爲黍蓬或以彫爲雕胡薦爲莊子所謂麋鹿所食之薦然未聞雕胡一名齧薦亦名黍蓬也名南騶虞云彼茁者蓬言蓬之初生至秋則悉爲飛蓬商君書云飛蓬遇飄風而行千里者乘風之勢也

葦鼠莞註

亦莞屬也纖細似龍須可以爲席蜀中出好

者

正義葦一名鼠莞書疏引樊光云詩曰下莞上簟說文云莞艸也可以作席鼠莞卽莞之屬也**註**纖

細至爲席。**正義**中山經云賈超山多龍修郭氏彼註云龍須也似莞而細出山石穴中可以爲席鼠莞

特龍須之
小者爾

勤鼠尾

註可以染皂

正義勤一名鼠尾吳普本草謂之山陵翹陶宏景云田野甚多人采

作滋染皂今鼠尾草所在有之葉如蒿夏初莖生岐
德穗若車前其華或赤或白華莖葉俱可爲染是典
染草所需也**註**可以染皂。**正義**太平御覽
引孫炎云勤巨盈切可染皂郭**註**本孫炎

薪莫大薺

註

薺葉細俗呼之曰老薺

正義此別薺之異種也齊民要術引

舍人云薺有小故言大薺廣雅云折莫馬辛也案本
草折莫一名葭折一名大葭一名馬辛生川澤及道
旁是折莫特薺之細者非謂其大於常食之薺也呂
氏春秋任地篇孟夏之昔殺三葉而大麥獲高誘註
昔終也三葉薺葶歷折莫也是月之季枯死大麥熟
而可獲高誘分薺與折莫爲二是也陳藏器本草註
以葶歷爲大薺誤矣下文云薺薺實詳見下**註**薺葉
至老薺。**正義**本草芻木詳云薪莫似薺而葉細俗

呼爲老葵
與郭註同

漆虎杖

似紅草而麤大有細刺可以染赤

正義漆一名虎杖染

草之屬也齊民要術載作杭子法如無杭皮代以虎杖則其根與杭皮相近註似紅至染赤○**正義**陶註本草云田野甚多狀如大馬蓼莖斑而葉圓與郭註畧同今虎杖似紅蓼

孟狼尾

似茅今人亦以覆屋

正義孟一名狼尾太平御覽引廣志云狼尾子

可作黍司馬相如子虛賦云其卑濕則生葳蕤兼葭史記集解引漢書音義云葳蕤尾草也葳尾卽狼尾矣郭氏彼註云葳蕤草中牛馬芻卽廣志所謂狼尾子也監木作孟今從宋本作孟

狐棲

中瓣也詩云齒如狐棲

正義邶風云匏有苦葉毛傳匏謂之

狐狐葉苦不可食也疏引陸璣云匏葉小時可爲羹又可淹煮極美故詩曰幡幡匏葉采之烹之今河南

及揚州人恒食之八月中堅強不可食故云苦葉菜
陸氏所謂八月中堅強不可食者特言其葉爾瓠甘
可食故幽風云八月斷壺毛傳壺瓠也孔疏謂甘瓠
可食就蔓斷取而食之小雅謂之甘瓠是也瓠中白
膚史記所謂肥白如瓠也瓠棧爲瓣釋文引字林云
瓜中實也註瓠中至瓠棧○正義詩疏引孫炎云棧
瓠中瓣也郭詩本孫炎齒如瓠棧稱風碩人文毛詩
作瓠屏傳云瓠屏瓠棧此言齒之潔白如瓠屏猶云
齒如編貝也

茹蔥茅蒐

註

今之菑也可以染絳

正義

鄭風東門云茹

蒐染草也古者以茅蒐染絳而絳給仰爲茅蒐之
轉聲小雅贈彼浴矣云絳給有衄毛傳絳給者茅蒐
染草也一日絳給所以代禪也鄭箋云絳給者茅蒐
染也茅蒐給給聲也絳給祭服之鞞合韋爲之鄭註
士冠禮云絳給緇也士緇鞞也士緇鞞而幽衡合韋爲之士
染以茅蒐四以名焉今齊人名菑爲絳給詩疏引鄭

駁異義云：韎草名，齊魯之間言韎，恰聲如茅蒐，字當作韎。陳留人謂之菑，是鄭君以韎爲茅蒐之合聲。菑其別名也。左傳疏引賈逵云：一染曰韎，韎昭云：茅蒐，今絳草也。急疾呼茅蒐成韎，此可與鄭君之說相證。明矣。菑亦作菑，說文云：菑，茅蒐也。茅蒐，菑，慮人血所生，可以染絳。史記貨殖傳作菑，廣雅作菑，音同相通。用註：今之至染絳。○正義：詩疏引李巡云：菑，一名菑，可以染絳。儀禮疏引孫炎云：一名菑，可以染絳。是郭詒所本也。詩疏引陸璣云：一名地血，齊人謂之菑。徐州人謂之牛蔓，別錄云：菑草，一名地血，與陸氏同。菑草生山谷，蔓草，木上方莖中空，數寸一節，每節四五葉相對，葉如棗而銳，實如椒而小，圓圃亦有種之者。禮記疏云：以菑染之，其色淺赤，是也。史記集解引徐廣曰：菑一名紅藍，其華染繪赤黃。今紅藍花與菑草殊種。徐廣率合爲一非也。

果羸之實，栝樓。

註

今齊人呼之爲天瓜。

正義

爾風東山云：果羸之實亦

施於宇毛傳果羸枯樓也疏引李巡云枯樓子名也
本草云枯樓葉如瓜葉形兩兩相值蔓延青黑色六
月華七月實如瓜瓣是也孔疏所引本草蓋唐本註
也呂氏春秋云孟夏之月王善生高誘註云善或作
瓜孤瓢也是月乃生如高誘之說則月令所云王瓜
卽枯樓矣今枯樓四月生苗引藤蔓長及秋而華厥
色淺黃秋末成實下垂如拳或長而銳或小而圓故
詩與爾雅皆言其實焉枯樓當從說文作苦斐通作
瓠瓠註今齊至天瓜○正義詩疏引孫炎云齊人謂
之天瓜郭註本孫炎名爲天瓜殆取義於王瓜與木
草云枯樓一名地樓吳普木
草作一名澤巨一名澤姑

茶苦菜

註

詩曰誰謂荼苦苦菜可食

正義

茶一名苦菜

茶茶也者以爲君薦壽也是孟春已取茶矣月令云
孟夏之月苦菜秀此言其敷秀之時耳苦菜四時有
之釋文引通卦驗元岡云苦菜生於寒秋歷冬歷春
得夏乃成月令並舉王瓜苦菜一其生一其成

也茶味苦故曰苦菜唐風云采苦采苦直名之爲苦
徐鍇以爲卽野苦苣陸德明以爲葉似苦苣亦堪食
但苦耳詩疏引陸璣疏乃云苦菜生山田及澤中得
霜甜脆而美所謂莖茶如飴內則云滿豚包苦用苦
菜是也案霜後之菜多轉爲甜非其本質大雅所云
周原饔腍莖茶如飴迺是言周原之美雖莖茶亦甘
若飴爾非謂茶菜本作甘也以今驗之菜之爲苦稱
斯名矣詩曰至可食正義誰謂茶苦鄉風谷風
文大雅疏引孫炎云苦菜可食也郭註本孫炎本草
云苦菜一名茶草一名選生益州川谷別錄云一名
游冬生山陵道旁冬不死案苦菜卽今苦蕒葉似苦
苣而細斷之有白汁華黃似菊所在有之陶註本草
誤疑爲茗徐鉉繫傳復仍其誤陸德明云茶今在釋
草篇本草爲菜上品陶宏景乃疑是茗尖之矣釋木
篇有楨苦茶乃是茗耳依於雅
訓證明本草陸氏得其實矣

萑菴

註

今茺蔚也葉似萑方莖白華華生節間又名益

母廣雅云

正義

崔一名蕤王風云中谷有蕤毛傳蕤

濱池澤其性宜水而毛傳以爲傷於水者注谿之谷

不能長庶草也詩疏引陸璣疏云舊說及魏博士濟

陰周元明皆云菴同是也韓詩及三倉說悉云益母

故曾子見益母而感按本草云益母菴蔚也一名益

母故劉歆曰推臭穢臭穢卽菴蔚也今案陸疏引劉

歆說卽其爾雅之註詩疏引李巡云臭穢草也與劉

歆同**註**今菴至雅云。**正義**釋文引本草菴蔚子一

名益母一名大札一名益明一名貞蔚陶註云處處

生葉如荏方莖子細長三楞白華華生節間是郭註

所本也廣雅云益母菴蔚也詩疏引郭註葉似荏作

荏葉似

蕤綬

註小草有雜色似綬

正義

陳風防有鵲巢云邛有

作蕤類篇引詩作青蕤蕤綬也詩疏引陸璣疏云蕤

五色作綬文故曰綬草案詩上云青苔陸疏以爲苔

可生食此云青鵝亦當爲可食之
草今陳州云有緩草未之觀也

粢稷

註

今江東人呼粟爲粢衆稂

註

謂黏粟也

正義

此

異名及稷之黏者之異名也。粢稷。說文云稷齋也。五穀之長齋稷也。或作粢。案前人釋稷多異說。以今驗之。卽北方所謂稷米也。月令孟春行冬令則首種不入。鄭註云舊說首種謂稷。淮南時則訓作首稼。不入高誘註云百穀惟稷先種。故曰首稼。孔疏引考靈曜云日中星鳥可以種稷。則百穀之內稷最先種。故云首種。首卽先也。種在百穀之先也。今北方種稷者正月土膏脉發卽可布種。說文所謂五穀之長以先種爲長也。月令又云中央土食稷與牛。鄭註亦以稷爲五穀之長。白虎通義社稷篇云稷五穀之長。故立稷而祭之也。稷者得陰陽中和之氣。而用尤多。故爲長也。蓋稷具中和之氣。協於土德。利以養人。故盧辨大戴禮註云庶人無常牲。以稷爲主。頁邦疏謂豐年之時賤者猶食稷。是稷爲庶民所恒食。厥利孔溥。

古者重民食所由以稷名官又奉稷而祀之也稷既為庶民所恒食則不以爲珍貴玉藻云朔月四簋子卯稷食四簋謂備稻粱黍稷忌日則無稻粱黍而下同於庶民之食也今北方恒食以稷而餉客以稻亦猶行古之道與稷謂之粢者左氏桓二年傳云粢食不鑿又曲禮云稷曰明粢王劬勘晉宋古本俱無此句然明粢之文合於爾雅亦可無致疑矣。衆稷。衆一名稷說文云稷稷之黏者即今北方所謂黃米也與稷米相似而垂穗較疎疎可以釀酒故月令仲冬乃命大酋稷稻必齊麴蘖必時以稷與稻皆可爲酒也又可爲餌養醜粥之屬故內則云菽麥黃稻黍稷稷唯所欲蓋老者不使稷食而稷之黏者則可以養老也鄭司農釋九穀之名並舉稷後鄭不從者以稷卽是粘稷不可分爲二也後世於他穀之黏者通稱爲稷廣韻云稷糯也此假借以爲名耳。註今江至爲粢。正義左傳疏引舍人云粢一名稷稷粟也齊民要術引孫炎註與舍人同後世以粟爲梁多疑舊註爲誤然古者以粟爲穀之總名猶後人以穀爲總

名也。今北方呼稷爲穀子，其米爲小米。是謂古人以稷爲粟也。稷爲總名，又通於黍、盛之名。故謂粟爲黍。今以後世所命名區分五穀，則稷、粟卽爲小米。謂黏粟也。○**正義**齊民要術引孫炎云：黏粟也。郭註本孫炎釋文云：江東人皆呼稻米爲秬，米此卽晉人所謂公田植秬也。以稻之穉者爲秬。至今俗語猶然。要皆假借之名耳。釋文又云：北間自有秬，穀全與粟相似。米黏，北人用之釀酒，其莖桿似禾而盛大也。案今以黃米

戎叔謂之荏菽

註

卽胡豆也

正義

大雅生民云：菽之荏菽。此釋之也。菽陸本作未

說文云：赤豆也。象赤豆生之形也。今經傳通作菽。生民毛傳云：荏菽，戎菽也。鄭箋：戎菽，大豆也。疏引孫炎云：大豆也。戎叔謂之荏菽者，釋詁云：戎，王也。王通作任，又通作荏。是戎荏皆言大也。先後鄭釋周官九穀皆分大豆、小豆爲二種。農桑輯要引汜勝之書云：大豆保歲，易爲宜古之所以備凶年也。王禎農書云：

大豆有白黑黃三種白者粥飲皆可并食是也夏小
正云五月初昏大火中大火者心也心中種黍菽糜
時也淮南主術訓亦云大火中則種黍菽今南方種
大豆者多於二月汜勝之書云三月榆莢時有雨高
田可種大豆夏至後二十日尚可種是種菽有蚤晚
晚者以五月爲期也菽之穫在後小雅小明云歲聿
云暮采蕭穫菽而幽風又云七月烹葵及菽蓋種有
蚤晚故穫有先後矣春秋定元年十月墮霜殺菽顏
師古漢書註以爲菽大豆周之十月於夏爲八月菽
尚未獲霜早則爲災也註卽胡豆也。正義詩疏引
舍人樊光李巡皆云今以爲胡豆是郭註所本也又
引郭氏云春秋齊侯來獻戎菽梁傳曰戎菽也管
子亦云北伐山戎出冬蔥及戎菽布之天下今之胡
豆是也案詩疏所引郭說蓋郭氏音義之文郭所引
春秋莊三十一年文也逸周書王會篇云山戎菽徐
遷穀梁註亦云今之胡豆與郭註同然荏菽爲后稷
所樹不應至桓公始布天下孫
炎原不郭箋以爲大豆者是也

卉草

註 百草總名

正義

說文云卉艸之總名也禹貢三

服貢其服者以給天子之官也小雅四月云
百卉具腓書疏引舍人云凡百草一名卉

菴雀弁

註 未詳

正義

下文云菴菴陸璣疏云一
名傳弁爵與雀古通用詳見下

菴雀麥

註 卽燕麥也

正義

菴一名雀麥說文作爵麥今
雀麥白生田野間農家多棄而不

刈故乘七發云稱麥服處躁中煩外李善註以稱麥
分劑而食馬馬肥故中躁而外煩也是古者嘗以飼

馬矣

註 卽燕麥也

正義

本草蘇恭註云所在有之

生故墟野林下苗葉似小麥而弱其實似穰麥而細
太平御覽引古歌云道旁燕麥何嘗可獲蓋苗雖似
麥而與麥異類吳都賦云稱秀菴穗於是乎在則與

菴同爲原

隰間草也

瓊烏菴菜菴苳紫菴葵

註 皆未詳

正義

瓊一名烏菴下
文又云澤烏瓊形狀

所未詳也。藜一名菟荑。說文云：菟，白菟也。或作菟藜。傳云：本草白菟藥也。一名兔荑。藤生，根似天門冬。一株下有十許葉。唐風：葛生。云：菟藜於野。毛傳：菟藜生於野。疏引陸璣疏云：菟似栝樓葉，盛而細，其子正黑。如燕莫不可食也。幽州人謂之烏服。其莖葉煮以哺牛，除熱是也。藜一名菟葵。下文云：菟葵，類凍，卽款冬也。詳見下。

黃菟瓜

菟瓜似土瓜

正義黃一名菟瓜。說文云：黃兔瓜也。舊疏云：苗及實似土瓜。土

瓜者卽玉瓜也。未聞其審。太平御覽引孫炎云：一名瓜裂也。則下文文菟字當上屬。

荊藪豕首

本草曰：筵頗一名蟾蜍蘭。今江東呼豕首。

可以燭蠶蛹

正義說文云：菟豕首也。是菟一名豕首。與郭異。讀玉篇連引荊藪與郭同也。鄭

謂地官典染草以豕首爲染草之屬。呂氏春秋任地篇云：豕首生而麥無葉。高誘註：豕首草名也。至其生

時麥無葉皆成熟也案後世言麥者不數至其
其狀似藍則爲藍草之類其抽條以夏秋則其生之
時爲麥盡登之時也註本草至蠶蛹正義本草云
一名精一名麥句蠶一名蠶慕藍一名豕首別錄云
一名彘顛一名蠶蛛蘭圖經云天名精生平原川澤
今江湖間昔有之夏秋抽條頗如薄荷花紫白色葉
如菘葉而小故南人謂之地菘香氣似蘭故名蠶蛛
蘭狀如藍故名蠶慕藍其味甘辛故名麥句蠶一名
豕首爾雅所謂荊藪豕首也江東人用此燻蠶蛹五
月採案郭氏以麥句蠶爲卽下文之蘧麥蓋別據廣
雅不盡從本草以
今驗之木草爲蠶

莽馬帚

註似著可以爲掃帚

正義莽一名馬帚夏小正

也廣雅云馬帚屬馬第也管子地員篇云蕪下於莽
註似著至掃帚正義說文云著蒿屬生千歲三百
蕪案莽草似著則亦蒿屬也李時珍云此卽蒿草
謂其可爲馬刷故名馬帚今河南人謂之鐵掃帚

菹懷羊

註未詳

正義

菹一名懷羊西京賦云戎葵

菱牛蘄

註

今馬蘄葉細銳似芹亦可食

正義

菱一名牛

蘄

今馬至可食

正義

本草蜀本引孫炎云

似芹而葉細銳可食菜也

郭註本孫炎唐本註云馬

蘄生水澤旁苗似鬼針菜等嫩時

可食花青白色子黃黑色似防風子

葵蘆蒹

註

蒹宜爲蒹蘆蒹蕪菁屬紫花大根俗呼雹葵

正義

葵一名蘆蒹方言云蕪菁其紫華者謂之蘆蒹

郭氏彼註云今江東名爲溫菘實如小豆說文云蘆

蒹似蕪菁實如小末者繫傳云今之蘿蔔也素蘆蒹

有大小二種方言說文皆舉小者言之亦有細而長

者謂之支羅服潛夫論思賢篇云治疾當得人參反

得支羅服當得麥門冬反蒸攬麥已而不識真合而

服之病以增劇不自知爲人所欺也

正義蒹宜爲蒹者後漢書註引爾雅作葵蘆蒹是

爾雅別木有作蘆葍者矣紫花大根者指其大者而言今人多掘之生噉亦煮而食俗呼菴菜者太平御覽引廣志云蘆葍一名菴菜

周審云四川人猶呼爲菴

洳灌

註未詳茵芝

註芝

一歲三華瑞草

正義

釋文引聲類云洳灌茵芝

也是洳灌一名茵芝郭以洳灌爲未詳是茵一名芝也說文云芝神草也繫傳云今人所見皆元紫二色如鹿角或如繖蓋背堅實而芳香或叩之有聲本草有青赤黃白黑紫六色**註**芝一至瑞草。**正義**屈原九歌云采三秀兮於山間王逸註三秀芝草因一歲三華而名之也淮南說山訓云采芝生於山而不能生於盤石論衡以爲土氣和故芝草生也

筍竹萌

註初生者筍竹

註竹

別名儀禮曰筍在建鼓之間

謂簫管之屬

正義

此釋竹初生之名及其異名也荀竹萌。詩疏引孫炎云竹初萌

生謂之筍說文云筍竹胎也筍爲豆實又可爲餼天
官醢人加豆之實有筍蒞鼎卦爻詞云覆公餼鄭註
云糝謂之餼震爲竹竹萌曰筍筍者餼之爲菜也大
雅韓奕云其餼維何維筍及蒲齊民要術引陸璣疏
云筍竹萌也皆四月生唯巴竹筍八月生盡九月成
都有筍及冬始生長數寸鬻以苦酒豉汁浸之可下
酒及食又可采藏以待冬月也。蕩竹。書疏引孫
炎云竹潤節者曰蕩說文云蕩大竹也夏書曰瑤琨
後蕩蕩可爲幹後可爲矢地官掌節云以英蕩輔之
後漢書引干寶註云英刻書也蕩竹萌也案蕩非竹
萌且竹萌不可以刻書掌節所謂蕩是竹之潤節者
耳書疏又引李巡云竹節相去一丈曰蕩今雲南箬
甸山中大有巨竹數尺一節俗名竹曰蕩與李巡之說
相近此大竹之異種也。正義郭意以竹別名蕩無俟分大小也大射儀云蕩在建鼓之
間鄭註蕩竹也謂笙簫之屬郭引大射儀兼用康成
之說以證竹之可爲簫
管者皆得名爲蕩也

莪蘿

註

今莪蒿也亦曰蘆蒿

正義

詩疏引舍人云莪一

毛傳云莪蘿蒿也。是莪爲蒿類。小雅云：「蓼蓼者莪，匪莪伊蒿。」又云：「匪莪伊蔚。」李時珍謂：「莪抱根叢生，俗謂之抱娘蒿。此孝子不得終養者所由見之，而與感與我澤溲之草亦生蒿岡。至春早茂，故小雅言「菁菁者莪，爲長育人材之象。」又以在彼中阿，在彼中沚，在彼中陵，見育材之廣焉。」**註**今莪至蘆蒿。○**正義**詩疏引陸璣疏云：「莪蒿也。一名蘿蒿，生澤田，漸洳之處，葉似邪蒿，而細。三月中莖可生食，又可蒸香，美味頗似蕒。」**莪**郭云：「亦曰蘆蒿者，廣雅云：「莪蒿，蘆蒿也。」太平御覽引廣志與廣雅同。

芄葍

註

齊芄

正義

芄一名葍，芄本草別錄有齊芄陶

云：「根似桔梗，以無心爲異。圖經云：「今川蜀江浙皆有之，潤州尤多。人家收以爲果菜，或作脯，噉味甚甘美。」

經履

註

未詳

菴接余其葉苳註叢生水中葉圓柱莖端長短隨流水

深淺江東苳食之亦呼爲菴音杏

正義說文云菴萎餘也菴或作苳顏

氏家訓引爾雅作苳萎余今本作菴接余其葉名爲苳也周南關雎云參差苳菜齊民要術引陸璣疏云接余其葉白莖紫赤正圓徑寸餘浮在水土根在水底與水深淺等大如釵股上青下白以苦酒浸之脆美可漿酒其華爲蒲黃色註叢生至音杏正義顏氏家訓謂先儒訓釋皆云水草圓葉細莖隨水淺深是郭註本於舊說也家訓又云今是水悉有之黃花似苳江南俗亦呼爲猪苳或呼爲苳菜是也監本作隨水深淺江東食之今從太平御覽增流字齊民要術增苳字又監本作亦呼苳無爲字及音杏二字今從宋本增

白華野菅註菅茅屬詩曰白華菅兮

正義說文云菅茅也此別其名也詩

疏引舍人云白華一名野菅既夕禮云菅苻三其實皆淪是菅可爲管故喪禮以盛黍稷麥皆淹漬之也菅草雜生山野而根可入藥故左氏成九年傳云無葉菅蒯又可漚以爲索故陳風東門之池云可以漚菅疏引陸璣疏云菅似茅而滑澤無毛根下五寸中有白粉者柔韌宜爲索漚乃尤善矣

正廣

廣雅以菅爲茅與說文同郭氏以爲茅之屬也白華菅兮小雅白華文毛傳云白華野菅也已漚

爲菅鄭箋云白華於野已漚名之爲菅孔疏云漚之柔韌異其名謂之爲菅因謂在野未漚者爲野菅也

薜白蘄註

卽上山蘄

正義

上文云薜山蘄卽當歸又名白蘄以白者爲尚也

菲芴註

卽土瓜也

正義

詩疏引某氏註引詩采葍采菲抑風谷風之詞也菲一名芴左傳疏

引孫炎云蒿類也案鄭箋以菲爲蒿之類孫炎本鄭箋爲義也詩疏引陸璣疏云菲似蒿莖巖葉厚而長有毛三月蒸鷲爲茹滑美可作羹幽州人謂之芴爾雅謂之蔥菜今河內謂之宿菜是陸璣以爲芴卽蔥

菜矣孔穎達云菲也芴也蔥菜也土瓜也宿菜也五者一物也其狀似蒿而非蒿故云蒿類註卽土瓜也

○**正義**圖經本草云爾雅黃菟瓜郭璞云似土瓜而土瓜自謂之藜姑又名鉤藜則菟瓜別是一物也又曰菲芴亦謂之土瓜異類同名甚多不可不辨

蒿蒿

註

大葉白華根如指正白可啖

正義

小雅我行其野云言采其蒿此

釋之也蒿一名蒿毛傳云蒿惡菜也齊民要術引陸璣疏云河東漢中謂之蒿幽兗謂之燕蒿一名符弁一名蔓根正白著熱灰中溫啜之飢荒可蒸以禦饑漢祭甘泉或用之其華有兩種一種葉細而香一種葉赤而有臭氣註大葉至可啖○**正義**此卽陸璣所云葉細而香者行野詩人所采以禦飢荒者也下文云黃茅則陸璣所謂葉赤而有臭氣者也

煢委萎

註

葉草也葉似竹大者如箭竿有節葉狹而長

表白裏青根大如指長一二尺可啖

正義 萎一名委

萎也本草云女萎生山谷太平御覽引吳普本草云

女萎一名葳蕤一名玉馬一名地節一名蠱蟬一名

烏萎一名萎一名玉竹生太山谷葉青黃相值如

菴菴藥草至可啖**正義** 圖經本草云莖幹強直似

竹箭幹有節葉狹而長表白裏青亦類黃精而

多莖大如指長一二尺三月開青花結圓實

蒟芋莢

証 未詳

正義 蒟說文作蒟莢玉蒟作蒟中山經

名曰葍葍可以毒魚葍

葍疑卽芋莢聲相近也

竹蒟蓄証

似小藜赤莖節好生道傍可食又殺蟲

正義 詩疏

引李巡云一物二名孫炎某氏皆引詩綠竹猗猗釋

文引韓詩作蒟蒻筑說文亦云蒟蒻也竹一名

蒟蒻又謂之蒟蒻離騷云解蒟蒻與雜菜兮洪興祖

補註引本草呼爲蒟竹是也詩疏引陸璣疏云綠竹

一草名其莖葉似竹青綠色高數尺今淇澳生此人謂此爲綠竹案陸氏以綠竹爲一草非也毛傳云綠王芻也竹蒿竹也依於爾雅分綠竹爲二草詩又言綠竹如蕢言王芻與蒿蓄蔓地如蕢矣後人或以綠竹爲卽淇衛之竹箭夫詩言籊籊竹竿以釣於淇則淇上固多竹箭特不可以釋淇澳之詩鄭道元云漢武塞決河斬淇園之竹木以爲用冠恂爲河內伐竹淇川治矢百餘萬以爲軍資今通望淇川無復此竹惟王芻綱草不異毛典是鄭道元在北魏時已云淇上所有唯王芻蒿草而陸德明仍引陸璣之說以爲證未可信也今淇水之間無所謂綠竹者註似小至殺蟲○**正義**本草陶註云處處有之布地而生節間白華葉細綠人呼爲蒿竹煮汁飲小兒療蛇蟲

歲寒漿

註

今酸漿草江東呼曰苦歲

正義

歲一名寒漿

而異實也本草謂之酸漿太平御覽引吳普云酸漿一名酢漿陶註云處處人家多有葉亦可食子作房

房中有子如梅李大皆黃赤色釋文本寒作蕓謂个
酸至苦歲○正義蜀本草云酸漿仰苦歲也根如菰
芹白色絕苦史記索隱
引郭註苦歲作烏歲

薺 薺英光註 英明也葉銳黃赤華實如山菜莢或曰薺

也關西謂之薺正義 薺一名英光本草有决明
說者謂仰英光而不聞其名薺

下文陵蕨據亦名薺 薺而無英光之名郭氏疑未能

定故兩解之註 英明至薺○正義 太平御覽引吳

普本草云决明子一名草决明一名羊明廣雅云决

明羊明也又云羊躑躅英光也後世釋本草者以草

决明羊躑躅與决明分爲三物所說形狀亦與郭殊

說文繫傳云决明藥菜也馬蹄者葉銳下面實與山

菜莢亦良似華深黃色與郭註同也郭又引或曰薺

也關西謂之薺者說文云薺也楚謂之薺秦曰

薺薺繫傳謂關西卽奉地是也又謂許慎所註全是

菜屈到嗜薺卽决明之菜而非水中之薺是於郭氏

自三

兼存兩說者牽合爲一未見其
數實也廣雅云葭葦蘇荷也

葭葦葦藟

一名白葦

正義

葭葦一名葦藟本草云葭

謂蕨塘乃葦藟二字之誤案釋木云無姑其實夷則
無姑木名也而釋草先有葭葦豈亦如葦藟著之互
見於草木與郭云一名
白葦則不以爲無姑

眈眈其紹眈

註

俗呼眈瓜爲眈紹者瓜蔓緒亦著子但

小如眈

正義

說文云眈眈也眈小瓜也釋詁云紹繼

先族之瓜必小狀似眈故謂之眈釋文引韓詩云眈
小瓜也疏引舍人云眈名眈小瓜也紹繼謂眈子漢
中小瓜曰眈孫炎云眈小瓜子如眈其本子小紹先
歲之瓜曰眈**註**俗呼至如眈**正義**孔穎達云眈之
族類木有兩種大者曰瓜小者曰眈此則其種別也
而瓜蔓造木之瓜必小於先歲之大瓜以其小如眈

故謂之陔陔是與之別名故云陔與也徐借繫傳云今有馬駝如小瓜也

芍鳧芷註

生下田苗似龍須而細根如指頭黑色可食

正義

芍一名鳧芷齊民要術引樊光云澤草可食也

後漢書云王莽末年南方飢饉人庶羣入野澤掘鳧芷而食註引續漢書作符營註生下至可食○**正義**本

草別錄有烏芋唐本註云烏芋今鳧茨也苗似龍須而細色正青根如指頭大黑色皮厚有毛又有皮薄無毛者田中並食之衍義作勃濟聲之博也

藟藟薑註

似蒲而細**正義**藟一名藟薑蒲草之類徐鉉謂今人以絨履者是也說文又引

杜林說以爲藟根案蒲下入泥白處俗呼蒲白有似藟根故杜林云然郭云似蒲而細則非藟根也

菘英註

菘似稗布地生穢草**正義**菘一名英孟子云五穀種之美者也苟爲不熟

不如萑稗萑卽菘也莊子知北遊云道在菘稗李暉以爲二草名菘有米而細故別於稗秋水篇云似菘

米之在大倉司馬彪云稭米小米也。○正義衆經音義引爾雅註云黃似稭布地穢草也。今之稭子是也。稭似稭耳非即稭也。左氏定十年傳云用稭稭也。杜註草之似穀者也。說文云稭不成粟也。稭禾別也。稭與稭俱堪水旱種。無不熟。北方農家種之以備凶年。

鉤芡

註

大如拇指中空莖頭有臺似薊初生可食

正義

名芡說文云芡艸也。味苦。江南食以下氣。繫傳云今苦芡也。案苦芡大者名苦藉。其無花實者名地膽草。又謂之苦板。

籩鴻蒼

註

卽籩菜也

正義

上文云勤山薊此又廣其名也。籩一名鴻蒼。舊疏引本草謂之

菜

蘇桂荏

註

蘇荏類故名桂荏

正義

蘇一名桂荏。古者以蘇爲蘇。鄭註內則云蘇蘇

荏之屬也方言云蘇亦花也關之東西或謂之蘇或謂之荏註蘇荏至荏荏○正義說文繫傳云荏白蘇也荏荏紫蘇也本草陶註云蘇葉下紫色而氣甚香其無紫色不香似荏者名野蘇

蓄虞蓼

註虞蓼澤蓼

正義蓼有各種舉虞蓼以該其餘也詩疏引孫炎云虞蓼卽澤之所

生按蓼與龍古相似而葉稍狹其子謂之蓼實太平御覽引吳普本草云蓼實一名澤蓼古者用以調和內則云臘秋用蓼又云鴉羹雞羹鴛羹之蓼蓋取其辛以爲和也蓼爲辛物故周頌小苾云予又集于蓼言辛苦也其雜生田野間者能害稼故良邦云以薺茶蓼茶蓼朽止黍稷茂止此虞蓼之別種也註皮蓼澤蓼○正義顏師古急就篇註云蓼有數種一種銳而薄生於水中者曰水蓼生於澤者曰澤蓼一名虞蓼亦謂之蓄而許叔重云蓼一名蓄虞非也

蓀蓀

註未詳

正義蓀與蓀古通用史記周勃世家封爲條侯表作蓀侯漢書地理志信都國脩縣

簡音條括地志作菑是也下文云苗菑玉篇以菑苗菑三字轉相訓是苗卽菑也苗菑古音相近易云其欲逐逐漢書敘傳作其欲攸攸是也管子地員篇其草宜萃菑菑一名蓬小雅我行其野云言采其蓬齊民要術引詩義疏云今羊蹄似蘆葦莖赤煮爲茹滑而不美多噉令人下痢揚州謂之羊蹄幽州謂之蓬一名菑亦食之詩釋文云蓬木又作菑本草云羊蹄一名菑陶註云今人呼爲秃萊卽菑字音訛也

藟赤苗註今之赤梁粟芑白苗註今之白梁粟皆好穀

正義此釋梁穀之異色也大雅生民云維糜維芑孔疏云糜作藟音同耳說文云藟赤苗嘉穀也芑白苗嘉穀又云禾嘉穀也是藟芑同爲梁穀四色有赤白而異其名也註今之至好穀○**正義**郭意以藟芑卽今之梁米也粟者說文云嘉穀實也爾雅言苗有赤白而郭以爲皆好穀者魏風毛傳云苗嘉穀也是其各相通也齊民要術引舍人云藟芑是伯夷叔齊所食首陽山草也夫藟芑爲后稷所下之嘉種而舍人

迺以當西山之
薇不已異乎

秬 黑黍

註 詩曰維秬維秠一稔二米

註 此亦黑黍但

中米異耳漢和帝時任城生黑黍或三四實實二米

得黍三斛八斗是

正義 此釋黍之異色及其稔中之米也詩疏引李巡云黑黍一名秬

說文云鬻黑黍一稔二米以釀也或作秬秠一稔二米天賜后稷之嘉穀也詩釋文引字書云秬秠一稔二

案詩言恒之秬秠是獲是畝毛傳云恒偏也鄭箋云偏種之成熟則獲而畝計之是秬秠之種植廣矣春

官鬻人掌共秬鬯而飾之鄭註云鬯釀秬爲酒芬香條暢於上下也文侯之命云用賚爾秬鬯一卣大雅

江漢云釐爾圭瓚秬鬯一卣毛傳云九命錫圭瓚秬鬯鄭箋云秬鬯黑黍酒也謂之鬯者芬香條鬯也孔

疏云禮有鬯鬯者築鬱金之草而煮之以和秬黍之酒使之芬香條鬯故謂之鬯鬯之酒又引孫毓云鬯

是草名今之鬱金煮以和酒者也鬯是酒名以黑黍和一桴二米作之左氏僖二十八年傳云秬鬯一卣杜註云秬黑黍鬯香酒所以降神此皆言秬秬之用言秬而秬在其中以秬爲一桴二米與一米者同爲黑黍也釋文云秬黑黍也或云今蜀黍也米白穀黑前人說秬者無異詞陸氏所引或說與舊說殊詩曰至維秬○正義大雅生民文毛傳用爾雅孔疏云秬是黑黍之大名秬是黑黍之中有二米者別名之爲秬秬秬皆黑黍矣而春官鬯人註云釀秬爲酒秬如黑黍一秬二米言如者以黑黍一米者多秬爲正稱二米則秬中之異故言如以明秬有二等也秬有二等則一米亦可爲酒鬯人之註必言二米者以宗廟之祭唯祿爲重二米嘉異之物鬯酒當宜用之故以二米解鬯其實秬是大名故名釀秬爲酒爾雅云秬一桴二米鬯人註云一秬二米文不同者鄭志答張逸云秬卽皮其秬亦皮也爾雅重言以曉人然則秬秬古今語之異故鄭引爾雅得以秬爲秬也案今本周禮鄭註作一桴二米據詩疏所引則康成易桴

爲秬以曉人也。○此亦至斗是。○**正義**郭以秬卽黑黍是也。黑黍有三四實者誠爲異種。二米則不爲異也。後漢任城縣

今爲濟寧州

秬

註今沛國呼秬

正義秬一名秬。周頌云豐年多黍多秬。黍宜於高阜。稻宜於水田。並

登則爲豐。年欠小。雅白華云。泚池北流。浸彼稻田。地官稻人。掌稼下地。澤草所生。種之芒種。稻宜於水澤之地。故職方謂荆揚二州宜稻矣。稻有稷秬二種。稷者以釀酒。幽風七月云。十月穫稻。爲此春酒。以介眉壽。月令仲冬。乃命大酋。秬稻必齊。傳記多言稻禮。以稻之稷者爲酒也。天官食醫云。牛宜秬。鄭司農云。秬稷也。專指稷爲稻。本草分秬米。稻米爲二。則專以稷爲稻。皆舉其一偏也。膳夫註以秬備九穀之數。則秬爲稻之別名。兼言稷。秬二種。**註**今沛國呼秬。○**正義**詩疏引郭註。作今沛國呼稻爲秬。案說文云。沛國謂稻曰秬。秬稻屬。釋文引字林云。糯黏稻也。秬稻不黏者。是黏與不黏。雖殊。其爲稻一也。黍稷皆有黏與不

黏二種其爲黍
爲稷則一也

菑芻茅

註

菑華有赤者爲芻芻芻一種耳亦猶蔭茗華

黃白異名

正義

上文云菑芻此又別其種也說文云
芻茅芻也一名蔕又云蔕艸也楚謂之芻

秦謂之芻蔕木槿名蔕而芻茅亦名蔕者正謂其華
赤似木槿耳其白華者則謂之芻也離騷云索芻茅
以蔕蔕王逸註芻茅蘆草也**註**菑華至異名。**正義**
下文蔕茗以黃華白華而異其名此舉類以曉人也
齊民要術引
郭註猶作如

臺夫須

註

鄭箋詩云臺可以爲禦雨笠

正義

小雅云南
山有臺疏引舍

人云臺一名夫須陸璣疏云荷說夫須莎草也可以
爲篋笠案吳語云笠笠相望於艾陵註引唐固云笠
夫須也說文云笠笠蓋也是夫須可爲笠也**註**鄭箋
至雨笠。**正義**都人十云臺笠細撮毛傳云臺所以

禦暑笠所以禦雨鄭箋云都人之士以臺皮爲笠蓋笠以禦暑因可以禦雨傳分言其用其爲物一也郭氏通其意而引之

攀藟

註未詳

正義攀類篇作藟草名藟也釋文云本亦作攀藟

商貝母

註根如小貝圓而白華葉似韭

正義鄒風載馳云言采其蝨毛

傳疏貝母也說文繫傳引詩作言采其商詩疏引陸璣疏云藟今藥草貝母也其葉如枯樓而細小其子在根下如芋子正白四方連累相著有分解是也註根如至似韭。**正義**本草別錄云貝母一名空草一名商草陶註云出近道形似聚貝子故名貝母圖經云二月生苗莖細青色葉亦青葉隨苗出七月開花碧綠色八月采根此有數種郭註言白華形似韭此種罕復見之

菝胝

註今荆葵也似葵紫色謝氏云小草多華少葉

葉又翹起

正義陳風東門之枌云視爾如莪毛傳莪莪菜也疏引舍人云莪一名蚍蚍陸璣疏

云莪菜一名荆葵似蕪青華紫綠色可食微苦**釋**今荆至翹起○**正義**廣雅云荆葵莪也古今註云荆葵

一名戎葵一名莪菜似木槿而光色奪目有紅有紫有青有白有黃莖莖不殊但花色有異耳一日蜀葵

羅願云其說戎葵蜀葵之狀可也混荆葵莪菜之名於內者非也荆葵花似五銖錢大色粉紅有紫文纒

之一名錦葵註引謝氏疑爲謝嶠之說殆因詩疏連引後人入郭註與太平御覽引郭註不引謝氏語

艾冰臺

註今艾蒿**正義**艾一名冰臺王風采芣云彼采艾今毛傳艾所以療疾孟子云求三

年之艾也趙岐註艾可以爲灸人病乾久益善急就篇註云艾一名醫草**註**今艾蒿○**正義**離騷云戶服

艾以盈要兮王逸註艾白蒿也案爾雅本草云初春布地生苗莖類蒿葉背白是艾與白蒿相似耳非卽

蒿也六朝人以艾爲蕭尤爲傳會

葦亭歷註

實葉皆似芥一名狗齋廣雅云

正義草一名亭歷鄭註月

今以葦歷之屬爲麋草孔疏云葦歷之屬以其枝葉
靡細故云麋草淮南穆稱訓云亭歷去脹高誘以爲
藥名**註**實葉至雅云。**正義**廣雅云狗齋大室亭歷
也本草云葦歷一名大室一名大適別錄云一名丁
歷一名葦蒿釋文云今江東人呼爲公齋陶註本草
云今近道亦有母則公齋子細黃至苦剛經云初春
生苗葉高六七寸有似齋根白枝莖俱青三月開花
微黃結角子扁小如黍粒微長黃色至夏則枯死

苻鬼目註

今江東有鬼目草莖似葛葉圓而毛子如耳

瑞也赤色叢生

正義苻一名鬼目本草上品有白英
別錄有鬼目云一名來甘實赤如五

味陶註云俗呼白草子蘇恭陳藏器並云白英鬼目
草也**註**今江至叢生。**正義**吳志孫皓傳天紀三年

有鬼目菜生工人黃耆家依緣棗樹長丈餘葉廣四
寸厚三分益鬼目之異種也齊民要術引廣州記有

鬼目樹太平御覽引廣志云
鬼目似梅則木之同名者耳

薜廋草註未詳

菽蓂蘿註

今菽蓂也或曰雞腸草

正義

菽一名蓂菽卽下文所謂薜菽也

註

今菽至腸草。**正義**本草別錄有菽蓂陶註云此菜人以作羹唐本註云此草卽是雞腸也生濕地坑渠之間俗流通謂雞腸雅士總名菽蓂圖經云卽雞腸草也葉似苕菜而小夏秋間生小白黃花其莖梗作身斷之有絲縷又細而中空似雞腸因得此名也案別錄分菽蓂與雞腸草爲二故郭氏兩解之

離南活茺註

草生江南高丈許大葉莖中有瓢正白零

陵人祖曰貫之爲樹

正義

離南一名活茺卽下文所云荷商活脫也本草謂之通草

一名附支陳藏器云通脫木生山側葉似苕麻其莖空心中有白瓢輕白可愛**註**草生至爲樹。**正義**中

山經云其草多冠脫郭氏彼註云冠脫草生江南高
丈許似荷葉莖中有瓢正白零陵人植而日灌之以
爲樹此註祖日貫
之四字疑有脫誤

龍天菴須葑菴

註未詳

正義

鄭風山有楸松云隰有游

之也龍一名天菴管子地員篇其山之淺有龍與斥
尹知章註以龍爲草名也下文云紅龍古其大者薺
廣其名也詳見下文須葑菴者詩疏引孫炎云須一
名葑菴卽下文所謂須葑菴也葑通作豐方言云豐
蕘蕘菁也陳楚之間謂之豐齊魯之郊謂之蕘關之
東西謂之蕘菁趙魏之郊謂之大芥其小者謂之辛
芥或謂之幽芥詩疏引陸璣疏云葑又謂之菴吳人
謂葑菴莫青幽州人或謂之芥紫廓風鄭箋云葑莫
菁也坊記註云葑莫菁也陳宋之間謂之葑太平御
覽引爾雅舊註云江東呼蕘菁爲菴菴須葑相近是
須卽蕘菁一名莫菁也本草別錄有莫青陳藏器云
蕘菁北人名莫菁今并汾河朔間燒食其根呼爲蕘

根猶是蕪菁之號蕪菁南北之通稱也塞北河西種者名九葉蔓菁亦曰九葉菘郭氏下註云似羊蹄葉細味酢可食亦指蔓菁言之也

勞隱葱

註似蘇有毛今江東呼爲隱葱藏以爲菹亦可

淪食也

正義勞一名隱葱管子地員篇云其種忍蔥名可互稱也陶註本草云桔梗葉名隱蔥可

煮食

註似蘇至食也。**正義**郭所說與陶宏景畧同是桔梗葉也類篇云隱蔥菜名似蕪未審何據

茜蔓于

註多生水中一名軒于江東呼茜**正義**茜一名蔓于管子地

員篇云其草魚腸與茜說文云茜水邊草也繫傳云似細蘆蔓生水上隨水高下汎汎然也**註**多生至呼

茜。**正義**蔓于一名軒于者于虛賦云卷閭軒于張

揖云軒于茜草也生水中揚州有之又謂之于後漢

書馬融傳註云于

一名茜生於水中

茵蘆

註作履苴草

正義茵一名蘆說文云茵艸也可以東或作蓍舊疏以爲蒯之類也釋文

引字苑云
斃苴履底

柱夫搖車

註蔓生細葉紫華可食今俗呼曰翹搖車

正義

柱夫一名搖車可食之菜也本草拾遺作翹搖云幽州謂之茗搖俗呼翹車是矣生平澤蔓生如豈豆紫花**註**蔓生至搖車。**正義**今翹搖以二月間小花紫白色俗謂之野蠶豆亦名小巢菜

出隧蘧蔬

註蘧蔬似土菌生菰草中今江東啖之甜滑

音同麩麩

正義出隧一名蘧蔬菰草之菌也菰當作苽說文云苽雕苽一名蔣又云蔣苽蔣也

天官食醫云魚宜苽後鄒以苽爲九穀之一菰米以九月結實宋玉賦所謂雕胡之飯故乘七發所謂安胡之飯皆是也南方呼菰爲茭故謂蘧蔬爲茭白**註**蘧蔬至麩麩。**正義**菰根生大菌者名菰手亦曰菰

首本草唐本註云菰手以其似小兒臂也蜀本註云三年中心生白臺如藕狀曰菰首其根生小菌者名菰菜國經云春生白芽如筍卽菰菜又謂之茭白今南方池澤間種之淪爲羹北方亦有之

蕪荳蘘蕪

註

香草葉小如菱狀淮南子云似蛇牀山海

經曰臭如蘘蕪

正義

蘘蕪一名蕪荳史記索隱引樊光云蘘本一名蘘蕪根名蕪荳案蘘

蕪非蘘木也索隱又引蘘對云蘘蕪一名江離芎藭苗也離騷云扈江離與薜芷兮江離爲芎藭之苗則亦非蘘蕪也本草云芎藭生山谷蘘蕪一名薇蕪生川澤自分二種今以大葉者爲芎藭小葉者爲蘘蕪管子地員篇云五沃之土生蘘蕪是也註香草至蘘蕪。正義郭以蘘蕪之狀如菱蕪也引淮南子者說林訓云蛇牀似蘘蕪而不能香高誘註云蛇牀臭蘘蕪香汜論訓云夫胤人者若芎藭之與蘘木蛇牀之與蘘蕪太平御覽引郭氏讚云蘘蕪善草亂之蛇牀不限其實自別以香是也郭又引山海經者西山經

云浮山有草曰蕪草臭如蘼蕪又天帝山有草其臭如蘼蕪名曰杜衡南山經云洞庭山其草多蘼蕪

茨蒺藜

註

布地蔓生細葉子有三角刺人見詩

正義

一名蒺

藜九家易云坎爲蒺藜因六三云據於蒺藜三居坎上有蒺藜之象焉非所據而據焉身必危蒺藜之草有刺而不可踐也說苑云植蒺藜者夏不得休息秋得其刺焉**註**布地至見詩。**正義**本草云蒺藜一名旁通一名屈人一名止行一名豹羽一名升推別錄云一名卽梨一名茨陶註云生道上子有刺狀如菱而小見詩者鄘風云牆有茨說文引作牆有薺小雅云楚楚者茨楚詞章句引作楚楚者薺

薺華竊衣

註

似芹可食子大如麥兩兩相合有毛著人

衣

正義

薺華一名竊衣王逸九思作薺藜自註云草名**註**似芹至人衣。**正義**齊民要術引孫炎云似

芹江淮間食之實如麥兩兩相合有毛其華著人衣郭註本孫炎

鬚顛棘

註細葉有刺蔓生一名商棘廣雅云女木也

正義

鬚一名顛棘本草云天門冬一名顛勒抱朴子云天門冬一名顛棘是也

註細葉至木也

正義圖經本

草云天門冬春生藤蔓大如銀股高至丈餘葉如荷香極尖細而疎滑有逆刺亦有澁而無刺者其葉如綠衫而細散皆名天門冬夏生白花亦有黃色者秋結黑子在其根枝傍入伏後無花暗結子其根白或黃紫色大如手指廣雅云顛棘女木也

藿芄蘭

註藿芄蔓生斷之有白汁可啖

正義衛風云芄蘭之支此釋之

也毛傳云芄蘭草也鄭箋云芄蘭柔弱恒蔓延於地有所依緣則起說文藿作芄引詩作芄蘭之枝**註**藿芄至可啖**正義**藿一名芄蘭郭氏連舉藿芄則當云藿芄一名蘭舊疏以爲或傳寫誤芄衍字也詩疏引陸璣疏云一名藿摩兩州人謂之雀瓢徐鍇繫傳云芄蘭藿摩也葉似女青本草陶註云藿摩作藤生

摘之有白乳汁人家多種之葉厚而大可生啖亦蒸
煮食之唐本註云雀瓢是女青別名也蘿摩葉似女

青故亦
名雀瓢

薄沈蒲

生山上葉如韭一曰蜺母

正義

說文云葍芫

云葍草也繫傳云今之知母註生山至蜺母正義

本草云知母一名蜺母一名連母一名野蓼一名地

參一名水參一名水浚一名貨母一名蜺母別錄云

一名沈蒲一名葍陶註云形似葍蒲而柔潤葉至難

死掘出隨生須枯燥乃死圖

經云四月開青花八月結實

蒹藹

註今澤藹

正義

蒹一名藹卽澤藹也莊子釋文引

劉向九歎云筐澤藹以豹鞞兮王逸註澤藹惡草盛

於革囊無益於用也註今澤藹正義木草云澤藹

一名水瀉一名鶴瀉陶註云叢生淺水中葉狹而長

圖經云春生苗多在淺水中葉似牛舌獨莖而長秋

時開白花作
叢似穀精草

藟鹿藿其實菹

註今鹿豆也葉似大豆根黃而香蔓延

生

正義

藟一名鹿藿其實名菹說文云菹鹿藿之實

名是也又云藟鹿藿也讀若剽案下文藟鹿藿子似
覆盆與鹿藿異故徐鍇以爲說文誤以藟鹿藿爲藿字

也**註**今鹿至延生。**正義**鹿豆今一名豎豆一名治
豆葉似葛而實長
可蒸食一名豎菽

藟侯莎其實媿

註

夏小正曰藟也者莎蒨媿者其實

正義

說文云莎蒨侯也繫傳云莎一名蒨一名侯莎案侯
莎猶言侯栗侯梅作侯莎者是也廣雅云地毛莎蒨
也文選註引司馬彪云一名侯莎急就篇註云莎卽
今青莎草也青莎所在有之故淮南覽冥訓以路無
莎蒨爲災異木草別錄以莎一名夫須是卽上文所
謂藟夫須矣太平御覽引廣志云莎可以爲雨衣**註**

夏小至其實○**正義**夏小正云正月緹縞縞也者莎
隨也縹也者其實也先言縹而後言縞者何也縹先
見者也何以謂之
小正以著名也

莞苻藜其上蒿註今西方人呼蒲爲莞蒲蒿謂其頭臺

首也今江東謂之苻藜西方亦名蒲中莖爲蒿用之

爲席

正義說文云藪夫離也蒿夫離上也又云莞艸
也可以作席詩疏引某氏曰本草云白蒲一名

苻藜楚謂之莞蒲其上臺別名蒿小雅斯干云下莞
上簟鄭箋莞小蒲也**註**今西至爲席○**正義**莞蒲者

詩釋文云莞草叢生水中形似小蒲而實非也臺者
說文繫傳云艸將生華先抽莖臺今謂菜臺是也用

之爲席者詩疏云以莞蒲一草之名而可几筵有莞
筵蒲筵則有大小之異爲席有精有粗故得爲兩種

席也又本草白芷一名莞一名苻
離王逸楚詞註莞夫離也與郭異

荷芙蕖

別名芙蓉江東呼荷其莖茄其葉蓮其本密

註莖下白藕在泥中者其華菡萏**註**見詩其實蓮**註**

蓮謂房也其根藕其中的**註**蓮中子也的中**註**中

心苦

正義詩疏引李巡云皆分別蓮莖華葉實之名後世稱名多假借當以爾雅所分別者爲正也

○荷芙蕖。荷一名芙蕖李巡云芙蕖其總名也鄭風云隰有荷華毛傳荷華扶渠也是芙蕖本或作扶渠後世統謂之荷。其莖茄。芙蕖之莖名茄陳風鄭箋則云芙蕖之莖曰荷證類本草引陸璣疏亦云其莖爲荷詩疏云樊光註爾雅引詩有蒲與茄然則詩本有作茄字者也案說文云茄夫葉莖是茄爲荷莖之定名。其葉蓮。芙蕖之葉名蓮釋文云衆家並無此句唯郭有然就郭本中或復脫此一句案說文無蓮字以荷爲夫容葉唯詩疏引爾雅有其葉蓮三字與今本同今荷葉初生小如錢著月葉大者如

盤盂遺者言其大也○其本蓄○芙蕖之本名蓄此
爲萌芽初發穿泥而出者之名故與根別言之也說
文云蓄夫蕖本繫傳云藕節上初生莖時萌芽殼也
○其華茵荷○芙蓉之華名茵荷說文作茵荷云夫
容華未發爲茵荷已發爲芙蓉爾雅翼引陸璣疏亦
云其華未發爲茵荷已發爲芙蓉今芙蓉以六七月
華有紅白二種○其實蓮○芙蓉華有鬚長寸許鬚
隨華落其實名蓮後世所謂蓮房也說文云蓮夫葉
之實也○其根藕○藕隨葉長蟠於泥中大者如臂
冬月掘而食之逸周書云藪澤竭則蓮藕掘是也釋
文引本草云一名水芝丹藕當從說文作藕○其中
的○蓮房之子名的窠生房中如蜂在窠詩疏引李
巡云的蓮實也爾雅翼引詩義疏云青皮裏白子爲
的五月中生嫩脆至秋表皮黑的成可食可磨以
爲飯輕身益氣令人強健又可爲糜○的中薏○詩
疏引李巡云薏中心苦者也陸璣疏云的中有青爲
薏味甚苦故里語云苦如薏是也

正義

此別其異名也離騷云製芰荷以爲衣兮集芙蓉

蓉以爲裳王逸註芙蓉蓮華也詩疏云今江東人呼荷華爲芙蓉北方人便以藕爲荷亦以蓮爲荷蜀人以藕爲茄或用其母爲華名或用根子爲母葉號此皆名相錯習俗傳誤失其正體者也○莖下至中者○**正義**蓉爲嫩藕初生色白上挺爲莖其盡處爲藕是爲華葉根實之本也○見詩○**正義**陳風澤陂云有蒲萑荷華毛傳萑萑荷華也

紅龍古其大者薺註

俗呼紅草爲龍鼓語轉耳

正義上文云龍

天薺此又詳釋之也詩疏引舍人云紅名龍古其大者名薺是薺卽紅草之薺大者說文以薺爲薺實與下文連屬師讀不同故也紅者虞蓼之別種後世所謂水薺也鄭風毛傳云龍紅草也鄭箋云紅草放縱枝葉於隰中今水薺葉虛有毛葉大如商陸蔓地而生故釋詩者言其放縱矣詩疏又引陸機疏云一名馬蓼葉大而赤白色生水澤中高丈餘玉篇云龍馬藻也疑卽馬蓼之詛註俗呼至轉耳○**正義**陶註木

草云馬蓼生下溼地莖斑葉大有黑點其最大者名龍鼓唐本註云爾雅云葍一名龍鼓大者名歸則最大者不名龍鼓陶誤呼之案唐木所引蓋爾雅舊註之文古鼓爲語轉紅與鼓並從艸後世俗書所增葍也廣韻云葍水草亦作蒞

葍

實註 葍子味甘

証 葍之實名

葍之實名葍鄭註月令以葍爲靡草之屬通卦驗云立冬葍麥

生春秋繁露天地之行篇云葍以冬美冬水氣也葍甘味也乘於水氣而美者甘勝寒也葍冬生而夏死其味甘故荆風谷風云其甘如葍離騷云故茶葍不同畝兮王逸以爲此忠佞之不同朝也洪興祖補註云言茶苦葍甘故不同畝而生也陶註本草云葍類甚多此是人所食者其葉作蒞及蒞亦佳急就篇註云葍甘草也其實名蒞

廣泉實註

禮記曰苴麻之有廣泉麻

註

別二名

釋 此

之名及麻之異名也。○廣泉實。○其麻之子名廣齊。民要術引孫炎云：廣麻子以泉卽麻也。說文作施泉實也。或作饋案。麻實有稗甲包裹，故說卦傳云：其子稼也。爲反生。宋衷曰：謂麻豆之屬，戴甲而生是也。古者以爲籩豆之實。天官籩人朝事之籩，其實粳糲少牢饋食禮云：粳糲坐設於豆。西鄭註：糲，煮泉實也。內則以供尊者所食，蓋熬而熟之矣。月令於秋則食麻，與犬鄭註云：麻實有文理，屬金。又仲秋之月，以犬嘗麻。先薦寢廟。鄭註云：麻始熟也。今苴麻以八九月之間熟，先熟者古以爲珍食。至季秋則子畢熟而墮落，可拾而取。曲風言九月叔苴，毛傳云：叔，拾也。苴，麻子也。則以爲農夫之食矣。有實之麻，亦可供饋。淮南說林訓云：廣不類布，而可以爲布。高誘註：廣，麻實也。本草云：麻，實一名麻勃。○泉麻。○詩疏引孫炎云：麻一名泉。說文云：麻與麻同人所治，在屋下。麻之爲言微也。微，纖爲功，象形。泉，麻也。禹貢以泉爲青州之貢。天官之屬有典泉，皆以泉卽麻也。今牡麻以夏月開白，華九歌大司命云：折疏麻兮瑤華，洪興祖補註云：麻

華其色自故此於瑤也吐麻華而不實六月可刈太
平御覽引春秋說題詞云麻之言微也陰類淺密女
作織微也麻生於夏夏衣物成禮儀故麻可以爲衣
陽成於三物以化故麻三變縷所加也宋均註云麻
須陽以成夏枝葉布成爲之衣麻亦夏生可作衣也
三變謂麻生成形一變也漚取皮二變也績成爲縷
三變也今麻之夏刈者秋月可績故幽風言八月載
績矣麻亦謂之紵詩疏引陸璣疏云紵亦麻也科生
數十莖宿根在地中至春自生不歲種也荆揚之間
一歲三收今官園種之歲再刈刈便生剝之以鐵若
竹挾之表厚皮自脫但得其裏韌如筋者謂之微紵
今南越紵布皆用此麻註禮記至有廢○正義喪服
傳云苴經者麻之有蕘者也吐麻者泉麻也左傳疏
引馬融註云蕘者麻實泉麻之有子者其色愈惡故
用之案傳以釋經故

郭註引以爲禮記

須殮蕪註

殮蕪似羊蹄葉細味酢可食菲蔥菜註菲草

生下溼地似蕪菁華紫赤色可食

正義 邠風谷風云采葍采菲上云須

葍菘非芴此又廣其異名也詳見上

蕒赤莧

註

赤莧一名蕒今莧菜之赤莖者

正義

莧之赤者一名蕒

九五云莧陸夫夫荀爽云莧者葉柔而根堅且赤是赤莧爲易所取象也釋文引宋衷云莧莧菜也孔疏引董遇說以爲人莧案今莧菜有赤紫白三種人莧則白莧之小者與荀義異也列子天瑞篇謂老韭爲莧物性之變也管子地員篇鞏下于莧

藟藟冬

註

門冬一名滿冬本草云

正義

藟藟一名藟冬上文顛棘爲今

之天門冬此爲今之麥門冬也本草別錄云麥門冬葉如韭冬夏長生陶註云根似穞麥故謂之麥門冬今所在有之藟藟音同**註**門冬至草云○**正義**釋文云山海經云條谷山其草多芍藥藟冬郭云本草一

名滿冬案本草天門冬一名顛耑麥門冬秦名羊韭
齊名愛韭楚名馬韭越名羊著一名馬葭一名禹餘糧
葉似韭冬夏生無名滿冬者說文繫傳所說與釋
文同今案門滿聲之轉郭君所見本草有作滿冬者
故註引之

篇苻止

註

未詳灤貫衆

註

葉圓銳莖毛黑布地冬不死

一名貫渠廣雅云貫節

別

三名也貫衆一名篇

貫衆一名篇苻是也郭氏以篇苻止爲未詳灤一名
貫衆師讀不同故也**註**葉圓至貫節**正義**證類本

草引吳普云葉青黃色兩兩相對莖有黑毛叢生冬
夏不死是郭註所本也太平御覽引孫炎云一名貫
渠廣雅云貫節貫衆也郭註用孫炎兼引廣雅所以
廣異名也釋文又引本草云一名百頭一名虎卷一
名伯藥一名藥藻此謂草鴟頭也案陶宏景云葉
如大蕨形色毛芒全似老鴟頭故呼爲老鴟頭

荇牛藻

註

似藻葉大江東呼爲馬藻

正義

此別藻之大者也荇一名牛藻

召南云于以采藻毛傳藻聚藻也鄭箋藻之言藻也齊民要術引陸璣疏云藻水草也生水底有二種其一種葉如雞蘇莖大如箸長四五尺共一種莖大如欸股葉如蓬蒿謂之聚藻又云扶風人謂之藻聚其發聲也此二藻皆可食煮熟按去腥氣米麩糝蒸爲茹嘉美荆揚人饑荒以當穀食顏氏家訓云說文荇牛藻也卽陸璣所謂聚藻葉如蓬者郭璞註三倉亦云蘊藻之類也細葉蓬茸生今水中有此物一節長數寸細茸如絲圓繞可愛長者二三十節猶呼爲荇

註

江東至馬藻

正義

廣異名也玉篇云荇牛藻也

一云馬藻陳藏器本草註云馬藻生水中如馬齒相連

蓬莩馬尾

註

廣雅曰馬尾蒿陸本草云別名莩今關西

亦呼爲莩江東爲當陸

正義

蓬莩一名馬尾卽當陸也說文作莩云莩草枝枝相

值葉葉相當夫九五云覓陸夫夫荀爽云陸取葉柔
根堅也陸差堅於覓覓根小陸根大也孔疏引董遇
云陸商陸也今商陸所在有之枝葉相對味酸辛性
有毒形似人易象取之以其爲陽中之陰也
至當陸○正義郭引廣雅以證蕩蕩卽當陸也水草
云蕩根一名夜呼開寶本草云一名白昌一名當陸
蜀木註云葉大如牛舌而厚
脆赤花者根赤白花者根白

萍註水中浮萍江東謂之藻其大者蘋註詩曰予以

采蘋

正義此釋萍蘋大小之異名也詩疏引舍人云

萍一名萍大者名蘋○萍萍○說文云萍萍也
無根浮水而生此與下文蘋蕭同名故毛傳誤以爲
鹿所食者卽是萍草後世增加作萍所以別於蘋蕭
也月令季春之月萍始生逸周書時訓解云穀雨之
日萍始生萍不生陰氣憤盈舊說萍爲楊花所化一
葉經宿卽生數葉葉下有小鬚垂水中以今驗之楊
花實能化萍然萍不盡爲楊花所化三月以前無萍

故月令紀其始生之時穀雨以後凡積水之區悉能
生萍故夏小正云七月湜湜生萍湜下處也有湜然
後有潦有潦而後有萍也今池隍積水輒生綠萍小
正之言信矣萍浮而不沈秋官之屬有萍氏蓋取象
義以名其官焉。其大者蘋。說文云蘋大萍也繫
傳云俗作蘋詩釋文引韓詩云沉者曰蘋浮者曰萍
今蘋亦不沉但較浮萍則根連水底爾本草拾遺謂
之芡其葉四衢中拆如十字俗謂之四葉菜五月開
白華後世所謂白蘋也蘋可以芼羹故左傳言蘋蘩
蒹藻之菜呂氏春秋本味篇菜之美者崑崙之蘋
水中至之藻。正義廣雅云蘋萍也今南人通謂之
漂舊疏引陸璣疏云今水上浮萍是也其蘆大者謂
之蘋小者曰萍季春始生可糝蒸爲茹又可苦酒淹
以就酒。詩曰至采蘋。正義召南文毛傳云蘋大
萍也鄭箋謂婦人先嫁三月教以四德教
成之祭牲川魚芼用蘋藻蘋之言賓也

菘菹菜

註

頗似菘而小葉狀如藜有毛洵啖之滑

正義
菘一

名菟葵本草蘇恭註云菟葵苗如石龍芮而葉光澤花白似梅其莖紫黑者噉極滑所在下澤田間皆有人多識之註頗似至之滑○正義本草寇宗奭註云菟葵綠葉似黃蜀葵大平御覽引廣志云菟葵淪之

食可

芹楚葵

註

今水中芹菜

正義

芹一名楚葵說文作苽云

芹鄭箋芹水菜也天官醢人加豆之實有芹菹祭統云水草之菹鄭註以爲芹茹之屬也呂氏春秋木味篇菜之美者雲夢之芹高誘註云芹生水涯註今水中芹菜○正義本草云水芹一名水英陶註云三月四月作莢時可作菹及淪食之又有盪芹可爲生菜亦可生噉別本註云芹有兩種荻芹取根白色赤芹取莖葉並堪作菹及生噉

藟牛藟

註

今江東呼草爲牛藟者高尺餘許方莖葉長

而銳有德穗間有華華紫縹色可淋以爲飲一名牛

蕘小雅我行其野云言采其蕘鄭箋云蕘牛蕘也亦

仲春時生可采也太平御覽引孫炎云車前草一名

牛蕘詩疏引陸璣疏云今人謂之羊蹄俱與郭異

今江至爲飲正義陳藏器本草註云天麻似馬鞭

草子如青茄子孫思邈云天麻草莖如火麻花

如鼠尾花卽益母之紫花者乃爾雅所謂蕘也

賈牛脣註毛詩傳曰水蕘也如續斷寸寸有節拔之可

復正義詩疏引李巡云別二名案上文云蕘蕘郭註

云今澤蕘魏風汾沮洳云言采其蕘毛傳蕘水蕘

也木草謂澤蕘一名水蕘陸璣疏亦以蕘爲澤蕘是

則蕘也蕘也蕘也牛脣也一物而四名也郭意以蕘

一名牛脣別言其形

狀木於李巡爲義也

葦蕘註今蕘蒿也初生亦可食正義此別蒿之類也

葦一名蕘蕘小雅云

呦呦鹿鳴食野之苹鄭箋以爲蘘蕭疏引陸璣疏云葉青白色莖似著而輕脆始生時可生食又可蒸食案蘘蕭爲蒿之別種俗呼爲牛尾蒿或以爲卽今自蒿非也

連異翹

一名連茗又名連草本草云

正義連一名異翹今謂之連翹

本草蘇恭註云此物有兩種大翹小翹大翹生下澤地葉狹長如水蘇花黃可愛著子似椿實之未開者作房翹出衆草其小翹生岡原之上葉花實皆似大翹而小細寇宗奭云連翹亦不翹出衆草其子拆之片片相比**註**一名至草云○**正義**本草謂之翹根別錄謂之三兼仲景謂之連茗吳普謂之蘭華皆連草之別名也

澤烏蘘

卽上蘘也

正義上文云蘘烏蘘此別其異名舊疏以爲蘘之生於水澤者

傳橫目

一名結縷俗謂之鼓筆草

正義傳一名橫目衆經音義引孫炎

云三輔曰結縷今關西饒之俗名句屨草也一名至筍草。○**正義**上林賦云布結縷郭氏彼註云結縷莫生如縷相結漢書音義云結縷似白茅蔓聯而生顏師古云結縷著地之處皆生細根如線相結故名結縷今俗呼鼓筍草者兩幼童對銜之鼓其中央聲如筍也

盞蔓華

註

一名蒙華

正義

盞一名蔓華說文作萊蔓華徐鍇以爲盞與萊音同是也小雅

云北山有萊齊民要術引詩義疏云萊藜也莖葉皆似萊王粲今兗州人蒸以爲茹謂之萊丞譙沛人謂雞蘇爲萊三倉云萊萊莢此二草異而名同案玉篇云萊藜草也廣韻與玉篇同今不治之地多生菜十月之交云田卒汚萊月令云藜莠蓬蒿並興故盡地力者主於闢草萊也然地不宜稼者或種之以備荒貧者食之莊子所謂藜藿不糝韓非子所謂藜藿之藿也

菱蕨

據註

菱今水中艾

正義

菱一名蕨據天官籩人加籩之實有菱鄭註菱艾也賈疏

云卽菱角也楚語云屈到嗜菱韋昭註菱也釋文引字林云楚人名菱曰菱陸本作菱今作菱註菱今水中之菱也**正義**本草謂之菱實蘇頌註云菱處處有之葉浮水上花黃白色花落而實生漸向水中乃熟實有二種一種四角一種兩角兩角中又有嫩皮而紫色者謂之浮菱吳仁傑云菱花黃白而葉綠故反離騷云矜菱茄之綠衣

大菊蘧麥

一名麥句蘧卽瞿麥

正義大菊一名蘧麥

句麥別錄云一名大菊一名大蘭陶註云今出近道一莖生細葉花紅紫赤色可愛于頗似麥故名瞿麥**註**一名麥句蘧也**正義**說文云大菊蘧麥繫傳云今謂之瞿麥其小而華色深者俗謂石竹郭璞云麥句蘧本艸云麥句蘧地松也非此案繫傳匡正郭註以本草爲據也釋文引廣雅云此麥麥句蘧蘧麥則郭註本於廣雅未可遽以爲非矣今本廣雅作此葳陵茗蘧麥也疑傳寫之訛當以陸氏所據之本爲正

薛牡贊註

未詳

正義說文云薛牡贊也釋文本贊作贊

箭山莓註

今之木莓也實似蔗莓而大亦可食

正義箭一名山

莓卽今所謂普盤也樹高四五尺葉似櫻桃而狹長四月華色白實如缺盆俗亦呼爲木莓爾雅謂之山莓者所以別於蔗莓也其形狀相似而蔓藤者卽下文所謂莖缺盆也山莓與盆子俱可食又有草委地而生謂之地莓本草謂之蛇莓江南謂之蛇盤子不可食**註**今之至可食。**正義**本草拾遺謂之懸鉤註云莖上有刺其子如莓子酸美人多食之

齧苦莖註

今莖葵也葉似柳子如米泔食之滑

正義齧一名苦

莖夏小正云二月菜莖莖菜也莖之苗以二月生其葉對節相撐其莖中虛而有稜其氣芳馨生田野間可茹作羹故小正以紀侯焉古者用爲劔菴公食大夫禮云劔菴有滑鄭註云莖莖之屬又內則云莖莖

粉榆兔藁滌澁以滑之鄭註冬用藁夏用葇葇類
謂用調和飲食也大雅絲云周原膾膾葇茶如俗言
雖野生之草亦皆止美葇卽苦葇也孔穎達通引下
文葇草以爲烏頭今烏頭性毒不可食雖生周原豈
能變其性乎斯不然矣註今葇至之滑○正義說文
云葇艸也根如薺葉如細柳蒸食之甘繫傳云詩所
謂葇茶如俗然則此菜味苦也木草蘇恭註云葇菜
野生非人所種葉似葇菜花紫色舊疏云木草言味
甘而此言苦者古人語
倒謂甘草謂之大苦也

薄石衣註

水苔也一名石髮江東食之或曰薄葉似鱉

而大生水底亦可食

正義薄一名石衣天官醢人加
豆之實有薄蒞鄭司農云落水

中魚衣是其類也

註水苔至可食○**正義**苔說文作

涪云水衣也繫傳云涪生水傍水土之潤氣所生故

曰水衣一名石髮者廣雅云石髮石衣也齊民要術

引周處風土記云石髮水苔也青綠色生於石也江

東有之今温州有石髮菜是也郭又引或說者卽今所謂海苔也劉逵吳都賦註云海苔生海水中正青狀如亂髮乾之赤鹽藏有汁名曰濡苔臨海有之本草陳藏器註云大葉藻也生深海中及新羅葉如水藻而大海人取之正在深海底以繩繫腰因沒水下刈得旋繫繩上五月已後常有魚傷人不可取也案今海濱人取海苔者共如藏器所言

鞠治牆

註今之秋華菊

正義

鞠一名治牆今經傳鞠省作鞠頁小正云九月榮鞠鞠草

也鞠榮而樹麥時之急也月令季秋云鞠有黃華逸周書時訓解鞠作菊云菊無黃華土不稼穡此指化鞠而言也鞠自有不華者謂之牡鞠秋官爛氏焚其煙以去龍通者也註今之秋華菊○**正義**說文云鞠日精也以秋粵又云鞠治牆也分日精治牆爲二郭以爲秋華菊則日精卽爲治牆故爾雅圖讚云菊爲日精布華元月是也本草又謂之節華陶註云菊有兩種一種莖紫氣香而味甘葉可作羹食一種青莖

而大葉作蒿艾氣
味不堪食者名惹

唐蒙女蘿菟絲

註

別四名詩云爰采唐矣

正義詩疏引舍

人云唐蒙一名女蘿女蘿一名菟絲小雅頌弁云薦
與女蘿毛傳云女蘿菟絲松蘿也疏引陸璣疏云今
菟絲蔓連草上生黃赤如金今合藥菟絲子是也非
松蘿松蘿自蔓松上生枝正青與菟絲殊異案陸璣
所說因本草分松蘿菟絲爲二物據以駁正毛傳也
淮南說山訓云千年之松下有茯苓上有兔絲說林
訓云茯苓掘兔絲死又曰兔絲無根而生皆言其爲
寄生之屬卽松蘿也本草旣分茯苓與兔絲爲二復
分兔絲與松蘿爲二良由入藥之功用旣殊故分贖
言之詩釋文云在草曰女蘿在木曰松蘿亦因後世
所稱而晰其名爾其實二物同爲寄生無妨同名故
唐蘇恭本草註謂本草兔絲無女蘿之名疑爲脫漏
是也陸璣謂女蘿蔓連草上不同於松蘿之蔓松上
然詩明言女蘿施于松柏豈得違背經文改從新說

乎抱朴子亦云菟絲之草下有伏苓之根皆女蘿卽松蘿之證矣菟絲一名菟芷見廣雅註別四至唐矣

○正義詩疏引孫炎云蒙唐也一名菟絲一名玉女別三名郭以爲別四名者毛傳以蒙釋唐是則唐也

蒙也女蘿也菟絲也合諸下文所謂玉女蓋一物而五名也詩云爰采唐矣鄘風桑中文

苗菴註未詳正義卽上文所謂菴菴也詳見上

莖葢益註覆葢也實似莓而小亦可食正義莖一名葢葢太平御覽引

孫炎云青州呼莖說文缺益二字俱不从艸陸本作葢益後世增加字也廣雅云缺益陸英莓也太平御

覽又引吳普本草云缺益一名决益註覆葢至可食○正義本草云蓬葢一名覆葢蘇頌以爲蓬葢是葢

盆苗也後世別其種類則蓬葢蔓生有刺葉類小葵六七月之間華結實紫紫苗葉至冬不凋也其似蓬

葢而小先開白華四五月間結實稀而小冬月苗凋者謂之覆盆葢案覆盆子與麥同熟故俗呼爲大麥葢

其實似荷

而小也

芫草

註

卽烏頭也江東呼爲芫音斬

正義

芫一名芫

於肉詩疏引賈逵註云芫烏頭也芫草又名烏喙燕
策云人之饑所以不食烏喙者以爲雖偷充腹而與
死同患也又謂之和芫淮南說林訓云蝮蛇蝮人傳
以和芫則愈物固有重爲害反爲利者又謂之奚毒
主術訓云天下之物莫凶於奚毒然而良醫案而藏
之有所用也高誘註奚毒烏頭也卽卽烏至音斬○
正義吳普本草云烏頭形如烏之頭也有兩岐相合
似烏之喙蘇恭以爲烏喙卽烏頭異名也案本草附
子之母亦名烏頭故呼芫草爲土附子亦曰野烏頭
郭云江東呼爲芫音斬所謂芫茶如飴也監本脫音斬二
苦芫之芫音謹迺所釋文引本草蒲藿一名芫草一名
芫非郭

義也

藏百足

未詳

正義說文以藏爲山韭此云百足蓋異種而同名也

菁戎葵

今蜀葵也似葵華如木槿華

正義菁一名戎葵此葵之大者

也左傳云葵猶能衛其足急就篇註葵衛足之菜傾葉而蔽日者也淮南說林訓云聖人之業道猶葵之與日也雖不能與終始其鄉之誠也○今蜀至槿華戎葵今謂之蜀葵戎蜀皆言其大也釋詁云戎大也釋畜云雞大者蜀是蜀亦爲大而說本草者便謂此草從蜀中來鑿矣今蜀葵四月後華莖特高大其華似木槿而大俗謂之丈紅花

藥狗毒

正義樊光云俗語苦如藥

正義藥一名狗毒說文藥傳以爲卽狼毒也木

草一名續毒陶註云與防葵同根但置水中沈者是狼毒浮者是防葵圖經云狼毒苗葉似商陸及大黃莖葉上有毛四月開花八月結實

垂比葉詁未詳

覆盜庚詁

旋覆似菊

正義花也

覆一名盜庚後世所謂旋覆

○正義本草云

旋覆一名金沸草陶註云出近道下溼地似菊花而大圖經云今所在皆有二月以後生苗多近水旁大似紅藍而無刺葉似柳莖細六月開花如菊花上黨田野人呼爲金錢花

苧麻母詁

苧麻盛子者

正義

麻母一名苧即麻之字甲

實詳見上文說文作苧麻母今從陸本作苧監本誤作苧

昶九葉詁

今江東有草五葉共叢生一莖俗因名爲五

葉卽此類也

正義

釋文引舍人云昶九葉九枝共一莖樊光本作駁釋云駁一名九葉詁今

江至類也。昶形狀故舉類以曉人也正義郭氏未觀

藐苳草

可以染紫一名苳蒨廣雅云

正義藐一名苳草鄭註地官典

染草謂之紫蒨染草之屬說文紫傳云史儀制多言緜緩卽此艸所染也**註**可以至雅云○**正義**此卽後世所謂紫草也廣雅云苳蒨紫草也說文云蒨艸也引吳普云紫草節赤二月花唐本

云苗似蘭香花紫白色結實白色

倚商活脫

註卽離南也

正義卽通脫木也詳見上

職黃蔴

註職草葉似酸漿華小而白中心黃江東以作

菹食

正義職一名黃蔴夏小正云二月采職職草也職與職通職草可食之菜故古者以紀候焉**註**

職草至菹食○**正義**顏氏家訓云江南有苦菜葉似酸漿花或紫或白子大如珠或紫或黑卽爾雅職黃

蔴今河北謂之龍葵本草陶註云益州有苦菜乃是苦職唐本註云苦職卽龍葵也俗亦名苦菜非茶也

龍葵所在有之葉圓花白子若牛李子生青熟黑但堪煮食不任生噉

藕車芑輿註

藕車香草見離騷

正義

藕車一名芑輿太平御覽引廣志云藕車

香味辛生彭城高數尺黃葉白華齊民要術云凡樹木蟲蛙者煎此香冷淋之即辟也

註見離騷○**正義**

離騷云唯留夷與揭車兮王逸註云揭車亦芳草一名芑輿

檉黃華註

今謂牛芸草爲黃華華黃葉似荻蒨

正義權一名黃

華芸之類也夏小正云正月采芸爲廟薦也二月采芸月令云仲冬之月芸始生鄭註芸香草也權與芸相似而香氣過之

註今謂至荻蒨○**正義**說文云芸

艸也似日宿是芸本似荻蒨權一名牛芸亦與荻蒨

相似也羅願云芸謂之芸蒿似邪蒿而香可食其莖

幹婀娜可愛世人種之中庭案牛芸亦種之階下王

氏談錄所謂草如苜

蒨摘之香烈於芸也

蕘春草註

一名芒草草木草云

正義本草衍義引孫炎云藥草也俗呼爲蕘草中山

經云朝歌之山有莽草焉可以毒魚郭氏彼註今用之殺魚註一名至草云○**正義**本草有莽草別錄云

一名蕘一名春草陶註云處處皆有葉青辛烈者良又川搗以和陳粟米粉納水中魚吞卽死浮出是莽草一名春草亦作萌草郭云芒草所見木異也或云本草自微一名春草此言自微非莽草也

蔞葵露露註

承露也大莖小葉華紫黃色

正義蔞葵一名紫露葵類

之可食者後世所謂藤菜也註承露至黃色○**正義**本草陶註云落葵一名承露蓋以其葉能承露故謂之紫露矣蜀本註云蔓生菜圓厚如杏葉子似五味子生青熟黑處處有之齊民要術引郭註多實可食三字案今藤菜以三月種嫩前可食五月蔓延其葉可作蔬未開食其實者檢諸本郭註俱無此三字

葇荳蔞註

五味也蔓生子叢在莖頭

正義葇一名葇蔞說文云葇荳蔞也

豬艸也。卽廣雅所云會及五味也。太平御覽引吳普本草云五味一名元及。註五味至莖頭。正義陶註本草云其核似豬腎。唐本註云五味皮肉甘酸核中辛苦都有鹹味。此則五味具也。圖經云春初生苗引赤蔓於高木其長六七尺葉小圓似杏葉三四月開黃白花類小蓮花七月成實如豌豆許大生青熟紅紫今有數種大抵相近。

漆委葉註

詩云以苾漆蓼

正義詩疏引舍人云漆一名委葉釋文本作茶孔穎達云

茶亦穢草非苦菜也王肅云茶陸穢謂委葉也。註詩云至漆蓼。正義周頌貞杞文詩疏謂某氏引此詩郭註與某氏同也。今毛詩作以薺茶蓼說文引詩作既苾茶蓼苾亦薺拔去田草也。

皇守田註

似燕麥子如彫胡米可食生廢田中一名守

氣。正義此稗草之類也。皇一名守田羅願云苽米可爲飯生水田中苗子似小麥而小四月熟久食不

飢爾雅所謂皇守田也註似燕至守氣○**正義**郭氏舉類以曉人燕麥卽雀麥彫胡卽蓬蔬之米所謂菰米也詳見上文一名守氣者所以廣異名急就篇註云半頁亦名守田物之同名而殊實者也

鉤瓠姑註

鉤瓠也一名王瓜實如瓠瓜正赤味苦正義鉤一

名藤姑廣雅云藤姑瓠瓠王瓜也月令四月王瓜生如高誘註則當爲上文之栝樓張揖則以爲藤姑先

儒迄無定論疑未能決也註鉤瓠至味苦○**正義**郭

註木廣雅兼采本草爲義也本草云王瓜一名土瓜

陶註云土瓜生籬院間子熟時赤如彈丸唐本註云

四月生苗延蔓葉似栝樓葉但無久缺有毛刺五月

開黃花花下結子如彈丸生

青熟赤根似葛而細多糝

望藥車註

可以爲索長丈餘正義望一名藥車藥當作

去草名陸本作藥今爾雅木仍有作藥者註可以至

丈餘○**正義**今田野間有草長而堅韌野人用以爲

繩索俗謂之芒草
芒望聲近而轉也

困被祿註

未詳

正義

祿今本作祿釋文云木
今作終廣韻引爾雅作祿祿

櫻烏階註

卽烏把也子連相著狀如杷齒可以染阜

正義

櫻一名烏階染草之屬也
疏云俗謂之狼把是也案陳藏器本草云狼把草生
山道旁與秋葱
子並可染阜

杜土鹵註

杜衡也似葵而香

正義

杜一名土鹵離騷云
雜杜衡與芳芷杜衡卽後

世所謂馬蹄香也圖經本草云江淮間皆有之春初
於宿根上生苗高二三寸莖如麥蒿每葉上有五六
葉或八九葉別無枝蔓貼地生紫花暗結實如豆中
有碎子苗葉俱青
似葵而香
正義釋文引本草
云杜衡味辛香人衣體陶註云根葉都似細辛唯氣
小異耳本草經又有杜若一名杜衡陶註云葉似藍

根似高良薑而細氣味辛香又絕似旋覆根殆欲相亂如陶之言二種並不似葵或恐郭誤耳案文選子虛賦註引張揖云杜衡其狀若葵其臭如蘼蕪是張揖與郭氏同也史記索隱引博物志云一名土杏其根一似細辛葉似葵是杜衡根似細辛而葉似葵郭註不誤也土杏疑卽土鹵傳寫之訛陸氏欲合杜衡杜若爲一種然本草分見不得牽合爲一廣雅以杜衡卽楚衡是矣

盱虺牀

註蛇牀也一名馬牀廣雅云

正義

盱一名虺牀淮南王書所謂似

蘼蕪者也詳見上文本草云蛇牀子一名蛇米別錄云一名蛇粟一名虺牀一名思鹽一名繩毒一名聚棘一名牆藤陶註云近道田野墟落間甚多花葉正似蘼蕪圖經云三月生苗高三二尺葉青碎作叢似蒿枝每枝上有花百餘結同一窠似馬芹類四五月間白花又如散米

註

蛇牀至雅云

正義

廣雅云地

粟馬牀蛇牀也廣異名也

蔴菝

註未問

正義問若璩云爾雅以菝釋蔴卽上文之蔴菝也案玉篇云蔴菝子菜而蔴菝亦名

滋菜是
一物也

赤袍薊

註

卽上袍薊

正義

此卽袍薊之赤色者後世所謂蒼木也

菟奚顛凍

註

款冬也紫赤華生水中

正義

菟奚一名顛凍廣雅云苦萃款

凍也本草云款冬一名橐吾案急就篇云款冬其母菟狼牙顏師古註云款東卽款冬也亦曰款凍以其凌寒卽亦而生故爲此名也一名兔奚亦曰顛東急就篇又云半夏旱艾橐吾註云橐吾似款冬而腹中有絲生陸地華黃色一名獸須是款冬與橐吾爲二物矣款冬以冬月華故楚詞九懷云款冬而生兮彫彼葉柯言款冬獨生而百卉俱彫也水經註又引述征記云洛水至歲末凝厲則款冬茂悅曾冰之中

註紫赤至水中○**正義**藝文類聚引吳普本草云款冬十二月花黃色陶註本草亦云形如宿萼未舒者

其腹裏有絲其花乃似大菊花所說花色俱與郭異
唐本註云葉似葵而大叢生花出根下此迺郭氏所
謂紫赤華者也圖經欲兩存其說謂欵冬有二種一
種葉似草解而花初出如菊花者一種葉如荷而紅
花者据顏師古急就篇註則紫赤華者爲欵冬其黃
華而腹中有絲者乃橐吾而非欵冬也郭氏讚云吹
萬不同陽煦陰蒸欵冬之生攢
類堅冰物體所安焉知渙凝

中尅菌

註

地草也似葢今江東名爲土菌亦曰尅厨可

啖之小者菌

註

大小異名

正義

菌之大者名中尅其小者名菌說文云菌吳地

草叢生田中又云菌地草今地草多生田野間中尅
之名蓋因其生之地矣說文又云草桑葉繫傳云草
多生桑楮之上也今人食草以生槐樹者爲良樹上
之草皆小者也莊子云朝菌不知晦朔崔謨云糞上
芝朝生暮死晦者不及朔朔者不及晦此指土菌而
言也**註**地草至啖之○**正義**說文繫傳云地草似釘

蓋者名菌物類相感志引孫炎云間雷仰生俗呼地
菌白如脂可食亦名地蕈北丁魮厨江東人今呼土
菌可食者是郭註所本也北丁魮厨疑當從郭註作
亦曰魮厨釋文引舍人本作中鳩云菹菜名類凍類
凍名中鳩案欸冬無中鳩之名而地蕈亦名魮厨則
不得以中魮上屬郭氏所不取也衆經音義引郭註
名爲土菌作
呼爲土菌

茺小葉

註未聞

正義

釋文云茺本或作蕞說文云蕞麻

卽小也蕞爲小葉之
麻所以別於山麻也

茗陵茗

註一名陵時

本草云黃華蕝白華茷**註**茗華色

異名亦不同

正義

詩疏引舍人云茗陵茗也黃華名

引孫炎云茗華色異名者小雅云茗之華毛傳云茗
陵茗也謂之陵茗所以別於陳風之旨茗也疏引陸

璣疏云一名鼠尾生下溼水中七八月中華紫似今
紫草華可染阜煮以沐髮卽黑如陸璣所言卽上文
勁鼠尾可以染阜者也鼠尾與陵苕自爲二物陸氏
特以其華色相似而混言之然鼠尾草惟有紫赤一
種絕無黃華白華者其不得爲陵苕明矣徐鍇繫傳
謂陵苕卽凌霄是也本草有紫葳唐本註謂之凌霄
蔓生依大木久延至顛鄭箋謂陵苕之華紫赤而繁
今凌霄以夏秋之間華厥色紫赤一枝綴華十餘誠
爲繁矣葉銳而深青詩所謂其葉青青也至云芸其
黃矣汎言花之黃萎不指黃華而言黃華者名藜今
凌霄之緒黃色者也白華者名芡唐本註謂山中亦
有白花者也註一名至草云○正義太平御覽引吳
普本草云紫葳一名武成一名瞿麥一名陵居腹一
名鬼目一名芡草不言其名陵時疏引某氏曰本
草云陵時一名陵落是郭氏用舊証所見木異也○
若華至不同○**爾雅**史記趙世家云顏若苕之華集
解引葑母蓬云陵苕之草其華紫今凌霄花皆紫赤
色黃華白華色之異者耳說文云藜苕之黃華也艸

之白華爲茨是茨爲統名
陵茗之白華亦名茨也

蘼從水生註

生於水中

正義釋文云蘼草生江水中是水草之屬也

薇垂水註

生於水邊

正義召南草蟲云言采其薇毛傳薇菜也疏引陸璣疏云山菜也莖

葉皆似小豆蔓生其味亦如小豆荳可作羹亦可生

食今官園種之以供宗廟祭祀小雅言薇亦作止薇

亦菜止薇亦剛止遺戍者有先後輩故薇之生者漸

茂而且堅也古者用以芼羹公食大夫禮所謂豕薇

矣薇一名垂水而陸璣以爲山菜者小雅言山有蕨

薇逸詩言登彼西山兮采其薇矣故以爲山菜然水

澤間亦有之各隨所見而名之也**註**生於水邊**正義**

義釋文引嶺野王云水濱生故曰垂水太平御覽引

廣志云薇葉似萍可蒸食徐鍇繫傳云薇似大萍陳

藏器本草云薇生水旁葉似萍皆以薇爲水草也案

說文云薇菜也似藿則高原下隰皆有之不
定爲水菜也蜀人謂之集菜今呼野豌豆

薛山麻

註

似人家麻生山中

正義

麻之生於山者異其名也

莽數節

註

竹類也節間促桃枝四寸有節

註

今桃枝節

間相去多四寸粼堅中

註

竹類也其中實簡祭中

言其中空竹類仲無筦

註

亦竹類未詳筦箭萌

筦屬也周禮曰筦蘆雁醢篠箭

註

別二名

正義

上文云筦竹萌

筦竹此又別其種類與其異名也○莽數節○說文

云節竹約也竹節之促數者名莽今小竹編地而生

其節密促蓋以其雜於叢莽故謂之莽矣俗呼爲馬

鞭竹○桃枝四寸有節○竹節之疎有至四寸者名

桃枝春官司凡筵云加大席黼純鄭註云次席桃枝

席有次列成文章疏云鄭見漢世以桃枝竹爲席次

第行列成其文章故言之也案後世以桃枝竹爲簞
謂之桃笙吳都賦註云桃笙桃枝簞也又可作杖魏

都賦註云桃枝竹屬可爲杖。○鄰堅中。○竹類有中實者名鄰木亦作籐齊民要術引字林云籐竹實中玉篇與字林同。○簡筴中。○竹類之中空者名簡說文云筴折竹筴也。篋竹膚也。繫傳云篋竹青也。案竹膚色青其中節則色白。簡中空無節故表裏之色如一。○仲無筯。○特生之竹無行列者名仲。說文云筯竹列也。凡竹皆有行列。唯特生者無行列耳。春官樂師云孤竹之管。後鄭云孤竹竹特生者。釋樂云大籥謂之產其中者。謂之仲。籥爲竹管三孔。蓋以孤生之竹爲之。故有仲之名也。○筯箭萌。○說文云筯竹萌也。竹類至多。故筯類亦夥。上文云筯竹萌是筯爲總名。箭爲小竹。筯爲小竹之筍也。○篠簞。○篠一名箭。說文云篠箭屬小竹也。禹貢云篠簞既敷。釋地云有會稽之竹。箭焉。戴凱之竹譜云箭竹高者不過一丈。節間三尺。堅勁中矢。江南諸山皆有之。會稽所生最精好。註今桃至四寸。○正義郭言桃枝之節四寸者爲多耳。竹譜云桃枝竹皮赤編之。滑勁可以爲席。余之所見節短者不兼寸長者。或踰尺。豫章徧有之。恐

爾雅所載草族自別有桃枝不必是竹郭註取之誤也案郭言多四寸正以其不限於四寸耳桃枝生地不同故長短不一戴氏僅據豫章所見遂疑桃枝非竹何所見之不廣也桂海虞衡志云桃枝竹多生石上葉如小棕櫚以大者爲杖○竹類至中實○正義廣韻云管竹名實中是籟又名管也元和郡縣志亦云邛來山竹高節實中可爲杖衆經音義引郭註云籟竹名其中堅可以爲杖○周禮至雁醢○正義天官醢人加豆之實落菹雁醢筍菹魚醢後鄭云筍箭萌筍竹萌賈疏云萌者謂新生者也見今皆爲菹釋文云落爾雅作筍同○別二名○正義箭本小竹之名因其可用爲矢故謂矢爲箭說文云箝可爲矢箭矢也又謂之箭箝禹貢云惟箭箝淮南兵畧訓云淇衛箭箝高誘註云淇衛箭箝箭之所出

枹霍晉素華軌

註

皆未詳

正義

枹通作苞如詩苞有

是也說文云苞艸也南陽以爲麋履廣韻云素華一名軌其形狀未詳

芰夫王註

芰草生海邊似莞蒲今南方越人采以爲席

正義

芰一名夫王釋文云今南人以此草作席呼爲

芰音杜註

芰草至爲席○**正義**陳藏器本草云芰草

一名江離子似莞生海邊可爲席廣韻亦云似莞

生海邊可爲席與郭註同監本無方字今從宋本

藜月爾註

卽紫藜也似蕨可食**正義**藜一名月爾齊民

也葉狹長二尺食之微苦卽今莫菜也詩曰彼汾沮

洳言采其莫案藜釋文本作藜與義疏同說文作藜

月爾也則作藜者是也詩疏引陸璣疏云莫莖大如

箸赤節節一葉似柳葉厚而長有毛刺今人纔以取

藜緒其味酢而滑始生可以爲羹又可生食五方通

謂之酸迷冀州人謂之乾絳河汾之間謂之莫**註**卽

紫至可食○**正義**紫藜爲蕨之別種李時珍謂紫藜

似蕨有花而味苦謂之迷蕨初生亦可食卽月爾也

歲馬藍註

今大葉冬藍也**正義**染草名馬藍一名歲夏

別也陶而疏之也灌者聚生者也記時也月令云仲夏令民毋艾藍以染此言藍草至仲夏始可分別其叢使之稀散故不欲遽刈之也小雅采綠云終朝采藍鄭註地官以藍倩象斗爲染草之屬註今大至藍也○正義說文云葳馬藍也藍染青艸也藍草所以染青故荀子云青出於藍子虛賦云高燥則生葳蒔卽馬藍也馬藍與寒漿同名葳而實異史記索隱引爲一葳非也

姚莖涂薺註未詳

芑地黃註

一名地髓江東呼芑

正義芑一名地黃公食大夫禮記云銅莖牛蒡

羊苦豕薇鄭註云今文苦爲芑是古者用以芑羹矣淮南覽冥訓云地黃主屬骨而甘草主生肉之藥也

註一名至呼芑○正義廣雅云地髓地黃也本草云地黃一名地髓一名芑一名芑陶註云有子實如小

麥圖經云二月生葉似車前高者及尺餘低者三四寸花紅紫色亦有黃花者其實作房如連翅子甚細

而沙
褐色

蒙玉女

註

蒙卽唐也女蘿別名

正義

說文云蒙玉女也
繫傳云卽女蘿也詳見

上
文

拔龍葛

註

似葛蔓生有節江東呼爲龍尾亦謂之虎葛

細葉赤葦

正義

拔一名龍葛本草陶註云五葉葦一
名龍草蔓生籬援間作藤唐本作烏蘇葦

註云葛生平澤葉似白蘇註似葛至赤葦。**正義**此
葛之別類所在有之蔓引而長故江東呼爲龍尾葦

端五葉分張又似爪矣藤柔而有稜亦
謂之虎葛也其葦赤色俗又謂之赤葛

薺牡茅

註

白茅屬

正義

經傳多言白茅此別其類之異
者也詩疏引陸璣疏云茅之白者古

用包裹禮物以充祭祀縮酒用之案茅與菅相似故
詩言露彼菅茅之香者與蕭相近天官甸師所謂

祭祀共蕭茅也牡茅一名蕞
舊疏以爲茅之不實者也

卷耳苓耳註

廣雅云泉耳也亦云胡泉江東呼爲常泉

或云苓耳形似鼠耳叢生如盤

正義卷耳一名苓耳
周南云采采卷耳不

盈頃筐荀子解蔽篇云頃筐易滿也卷耳易得也然
而不可以貳周行毛傳云卷耳苓耳也頃筐易盈之
器也蓋本荀子爲訓淮南覽冥訓云位賤尚泉高誘
註云尚主也菜泉耳菜名也幽冀謂之檀菜維下謂
之胡泉主是官者至微賤也案卷耳可食之菜故詩
人采之此篇言能官人故淮南以尚泉爲官蓋釋詩
者相傳之舊說也卷耳一名菴離騷云蕢菜施以盈
室兮葢以其實多刺故惡之比諸蒺藜之類義各有
取爾九思云泉耳兮充房猶離騷志也註廣雅至如
盤○**正義**廣雅云苓耳菴常泉胡泉泉耳也詩疏引
陸璣疏云葉青白色似胡葵白華細莖蔓生可煮爲
茹滑而少味四月中生子如婦人耳中瑤今或謂之

耳瑞幽州人謂之爵耳是也案今人呼爲常思菜卽常泉之訛爾郭又引或說者說文繁傳云菌屬生朽潤木根此卽所謂叢生如盤者存異說也

蕨

註廣雅云紫萁非也初生無葉可食江西謂之鼈

正義

召南云言采其蕨疏引舍人云蕨一名鼈齊民

要術引陸璣疏云蕨山菜也初生似蒜葉紫黑色二月中高八九寸先有葉輪爲茹滑美如葵今隴西天水人及此時而乾收秋冬嘗之又云以進御三月中其端散爲三枝枝有數葉葉似青蒿而麤堅長不可食周秦曰蕨齊魯曰鼈**註**廣雅至之鼈。**正義**廣雅云此萁蕨也蓋以紫萁似蕨故誤合爲一也初生無葉者詩釋文云俗云初生似鼈脚故名焉

薺

註今藥草大戟也本草云**正義**薺一名卽鉅淮南繆稱訓云大戟去

水卽卽鉅也**註**今藥至草云。**正義**本草云大戟一

名卽鉅陶註云近道處處有之蜀本註云似甘遂而

高大葉有白汁花
黃根似細苦參

繁山胡註

未詳

正義夏小正云繁山胡由胡者
繁母也卽上文番蒿詳見上

惹杜榮註

今芒草似茅皮可以爲繩索履屨也

正義太平御覽

引雜字解詁云芸杜榮是惹木或作芸夏小正所謂
二月采芸也今本作惹釋文云本亦作芒陳藏器本
草云芒今東人多以爲箔又云石芒生高山如芒而
節短江東呼爲折草案上文云勤鼠尾望藥車此皆
其類也

稂童梁註

稂莠類也

正義詩疏引舍人云稂一名童梁
說文云莠禾粟之粟生而不成者

謂之童莠莠或作稂曹風下泉云投彼苞稂毛傳云
稂童梁疏引陸璣疏云禾秀爲穗而不成崩發然謂
之童梁今人謂之宿田翁或謂之守田也大田云不
稂不莠外傳云馬飯不遇稂莠皆是也案陸璣所註

與許叔重同稭爲穀之有桴而無米者南方農諺謂
之扁子礪疥之地與夫雨暘之不時人事之不濟禾
不能成實則爲稭豐年則無之大田之詩所以言不
稭也農家稭稻則藪而揚之以去其稭然稭雖無米
亦稍有米皮今南方用以飼鴛又以飼馬魯語所謂
馬餼不過稭莠也至於下泉之詩則舉童粱之得水
而病以見嘉禾之不殖并及蕭菁以見庶草之盡幸
草言黍苗之盛陰雨之膏嘉穀自無稭莠此詩人追
思盛治所由無歉而不能忘也陸疏謂稭或謂之守
田此與上文皇守田同名而異實註稭莠類也。正
義說文繫傳引郭註云莠類也今本註中稭字疑衍
文莠者說文云禾粟下揚生莠詩疏引鄭志韋驪問
云甫田維莠今何草答曰今之狗尾也韋昭魯語註
云莠草似稷而無實今狗尾草所在有之狀誠似稷
而不結實與稭之不實者同其稭內有米皮亦與稭
同故郭氏以稭爲莠類不言其似稭也羅願誤以爲
其形相似遂以爲卽上文之孟狼尾然狼尾草有子
可作黍食則與童粱之不實者殊類卽與莠之不實

者殊類不得求其形似牽合爲一也

蔗

蔗卽莓也今江東呼爲蔗莓子似覆盆而大赤

酢甜可啖

正義蔗一名蔗上文云蒟山莓此爲草之相似而小者也其子可食後世謂之蔗莓

矣又蒟屬之草亦名蔗可以爲屨禮傳謂之疏屨又可爲席與此異**註**蔗卽至可啖。**正義**說文繫傳引爾雅舊註云蔗卽莓子似覆盆華紫俗名蠶莓可食又有蛇莓黃華子小異食之傷人

的菝

卽蓮實

正義上文釋荷云其實蓮其中的的又名菝也

購荷蓂

蓂蓂蒿也生下田初出可啖江東用羹魚

正義詩疏引舍人云購一名蓂蓂說文云蓂艸也可以爲魚繫傳云今人所食蓂蒿也周南漢廣云翹翹錯薪言刈其蓂毛傳云蓂草中之翹翹然疏引陸璣疏云其葉似艾白色長數寸高丈餘好生水邊及澤

中正月根芽生旁莖正白生食之香而脆美其葉又可蒸爲茹註蒿萋萋蒿也。正義楚辭大招云吳酸蒿萋不沾薄只玉逸註云蒿蔡草也萋香草也是萋可以爲羹詩釋文引馬融云萋萋蒿也與郭註同釋文又引郭云似艾蓋郭氏音義之文

芴勃芴

註

一名石芸本草云

正義

芴一名勃芴卽石芸也本草別錄云石芸味甘

一名勃烈一名顧喙范子計然云石芸出三輔

萋繞棘菟

註

今遠志也似麻黃赤華葉銳而黃其上謂

之小草廣雅云

正義

萋繞一名棘菟說文云菟棘菟也紫傳謂卽遠志是也說文又云萋

艸也詩曰四月秀萋劉向說此味苦苦萋此說文別釋秀萋之義或遂謂詩言秀萋卽今遠志非也註今遠至雅云。正義本草云遠志一名棘菟一名萋繞

一名細草陶註云狀似麻黃而青圖經云遠志生秦

山及宛句山谷今河陝京西州郡亦有之根黃色形如蒿根苗名小草似麻黃而青亦有似大青而小者三月間花白色根長及一尺泗州出者花紅根葉俱大於它處商州出者根又黑色廣雅云蕪苑遠志也其上謂之小草

策刺註 草刺針也關西謂之刺燕北朝鮮之間曰策見

方言

正義

策一名刺說文云策刺也刺策也繫傳引爾雅舊註云卽草木之刺也

正義

以草之刺爲刺針今俗語猶然以其狀如針也

方言云凡草木刺人北燕朝鮮之間謂之策或謂之北自關而東或謂之梗或謂之刺白關而西謂之刺江湘之間謂之棘廣雅云策刺箴也

蕭萩註

卽蒿

正義

詩疏引李巡云萩一名蕭天官何師云祭祀共蕭茅杜子春以爲蕭香蒿也後

鄭謂詩所云取蕭祭祀郊特牲云蕭合黍稷臭陽也於牆屋故既薦然後薦蕭合馨香合馨香者是蕭之

謂也又鄭註郊特牲云蕭薜蒿也染以脂合黍稷燒之生民詩疏云宗廟之祭以香蒿合黍稷燒此香蒿以合其馨香之氣是蕭爲蒿之香者也荻監本誤作荻唐石經作荻釋文荻音秋今改正

正義 卽蒿。 **正義** 詩疏引陸璣疏云今人所謂荻蒿也或云牛尾蒿似白蒿白葉莖叢科生多者數十莖可作燭有香氣故祭祀以脂蒸之爲香許慎以爲艾蒿非也案春官鬱人疏引王度記云士以蕭庶人以艾白虎通義亦引之是蕭與艾定爲二物也蕭艾皆香草而離騷云何昔日之芳草今直爲此蕭艾也蓋蕭可以蕪艾可以灸古之長育羣材者芳草各有其用而采蕭采艾亦各以其時今不辨其爲芳草而與蕭艾並見燒薜故騷人歎之說楚辭者不達其意以蕭艾爲惡草誤矣管子地員篇云莽下於蕭蕭下於薜辨庶草者因各有其等

差也

薜海藻

薜海藻 藥草也一名海蘿如亂髮生海中本草云

正義

上文云薄石衣薄亦作薄一名海藻据本草是一物也郭氏以葉似薤葉狀如亂髮分解之藥草至草云。**正義**本草云海藻一名落首一名薄陶註云生海島上黑色如亂髮而大少許葉大都似藻葉郭氏江賦云綠苔鬚影乎研上李善註引南越志云海藻一名海苔生研石上風土記云石髮水苔也青綠色皆生於石

萇楚銚芑

註

今羊桃也或曰鬼桃葉似桃華白子如小

麥亦似桃

正義

詩疏引舍人云萇楚一名銚芑說文

備其枝鄭箋云銚芑之性始生正直及其長大則其枝猗儺而柔順不妄蔓草木疏引陸璣疏云今羊桃是也葉長而狹華紫赤色其枝莖弱過一尺引蔓於草上今人以爲汲灌重而善沒不如楊柳也近下根刀切其皮著熱灰中脫之可韜筆管**註**今羊至似桃。**正義**廣雅云鬼桃銚芑羊桃也本草云羊桃一名

鬼桃一名羊腸別錄云一名萇楚一名御弋一名桃弋陶註云山野多有甚似家桃又非山桃子小細不堪噉花甚赤楚詞七諫云斬伐橘柚兮列樹苦桃王逸註橘柚美木苦桃苦木洪興祖補註引本草云羊桃味苦是因其味苦故謂之苦桃列於木類

据圖經云羊桃苗長弱仰蔓生不能爲樹也

蕭大苦

註今甘草也蔓延生葉似荷青黃莖赤有節節

有枝相當或云蕭似地黃

正義蕭與苓通一名大苦

卿風簡兮云隰有苓唐風

云采苓采苓毛傳俱云苓大苦卽今藥草之甘草也說文云甘艸也廣雅云美丹甘草也

正義詩疏引孫炎曰本草云蕭今甘草是也蔓

延生葉似荷青黃其莖赤有節節有枝相當或云蕭

似地黃郭註本於孫炎也說文繫傳引爾雅註云卽

甘草也蔓延生葉似荷青黃莖赤有節枝枝相值葉

葉相當與今本字句微異案本草云甘草味甘平別

錄云一名蜜甘一名美草一名蜜草一名蕭草圖經

云春生青苗高一二尺葉如槐葉七月開紫花似柰冬結實作角子如葶豆根長者三四尺麓細不定皮

赤上有橫梁上

下皆細根也

芣苢馬舄馬舄車前註今車前草大葉長穗好生道邊

江東呼爲蝦蟆衣

正義芣苢一名馬舄一名車前別三名也周南云采采芣苢毛傳用

爾雅疏引陸璣疏云馬舄一名車前一當道喜在牛跡中生故曰車前當道也今藥中車前子是也幽州人謂之牛舌草可鬻作茹大滑其子治婦人難產案車前易識之草而向來釋詩者多異說有以爲似李之木者詩釋文云山海經及周書王會皆云芣苢木也實似李食之宜子出於西戎衛氏傳及許慎並同此王肅亦同詩疏引王基駁云王會所記雜物奇獸皆四夷遠國各資土地異物以爲貢贄非周南婦人所得采是芣苢爲馬舄之草非西戎之木也有分芣苢車前爲二物者詩釋文引韓詩云直曰車前

曰芣苢今車前卽芣苢無罨直之分以爲二物者非也
也有以芣苢卽澤瀉者文選註引薛君韓詩章句云
芣苢澤瀉也芣苢臭惡之草詩人傷其君子有惡疾
人道不通求已不得發憤而作以事興芣苢雖臭惡
乎我猶采采而不已者以興君子雖有惡疾我猶守
而不離去也此據韓詩序芣苢傷夫有惡疾也而演
成其說然澤瀉卽上文之瀟烏芣苢自爲車前爾雅
分釋之不得牽合爲一是以芣苢爲澤瀉者非也準
諸雅訓惟毛傳爲得其實矣訓今車至曠衣正義
莊子至樂篇鼃蟻之衣生於陵屯則爲陵烏司馬彪
云物根在水上際布在水中就水上視不見抄之可
得楚人謂之鼃蟻之衣屯阜也物因水成而陸產生
於陸屯化作車前改名陵烏也是以車前爲水草所
化也然今車前生於春初未聞有化生者本草云車
前一名當道別錄云一名芣苢一名蝦蟆衣一名牛
遺一名勝鳥圖經云春初生苗葉布地如匙而累年
者長及尺餘如鼠尾花甚細青色微赤

結實如葶蔴赤黑色

與陸璣疏畧同

與陸璣疏畧同

微赤

綸似綸組似組東海有之註綸今有秩嗇夫所帶料青

絲綸組綬也海中草生彩理有象之者因以名云帛

似帛布似布華山有之註草葉有象布帛者因以名

云生華山中正義此釋草之似用物者因以爲名也

引吳普本草云綸布一名昆布陶註云今惟出高麗

繩把索之如卷麻作黃黑色柔韌可食爾雅云綸似

綸組似組東海有之今青苔紫菜皆似綸而昆布亦

似組恐卽是也案綸組卽今紫菜之類吳都賦云綸

組紫絳郭氏江賦云青綸競糾縛組爭映齊民要術

云吳都海濱諸山悉生紫菜是也帛似帛布似布華

山有之者草名帛布其色亦似帛布今未聞註綸今
至名云。正義說文云綸青絲綬也組綬屬鄭註縞
衣云綸今有秩嗇夫所佩也漢書百官公卿表云百
石以下是爲少吏大率十里一亭亭有長十亭一鄉

鄉有三老有秩嗇夫游徵三老掌教化嗇夫職聽訟收賦稅游徵徵徒禁賊盜晉仍漢制有秩嗇夫俱得以青綸爲帶也續漢輿服志云百石青紺綸一采宛轉繆織長丈二尺案淮南子言丈二之組是綸組之長相若也顏師古急就篇註云組亦綬類也共小者以爲冠郭氏舉綸組之狀以相况也

荒東齠

証未詳

正荒草名

葉似蒲叢生未聞其審

縣馬羊齒

証

草細葉葉羅生而毛有似羊齒今江東呼

爲雁齒纒者以取繭緒

正

縣馬一名羊齒舊疏以爲似羊齒而毛也

繭緒。郭氏以目驗得之今所未悉陳藏器云水蘇仙人草皆有雁齒乃葉之槎牙者非葉有毛也

且不聞可以

繭取繭緒

落麋舌

証

今麋舌草春生葉有似於舌

正

落一名麋舌本草別錄云

腐舌生水 中五月采之腐
與麋通釋文云木或作麋

寒柜胸註未聞

繫之醜秋爲蒿註醜類也春時各有種名至秋老成皆

通呼爲蒿

正義上文別繫之類則白蒿爲繫青蒿爲

蕭其類孔冬春初生時形色互異因事以命名秋深
葉枯其色不甚相遠故通呼爲蒿蒿卽爲蓬涼秋風
厲則起而
爲轉蓬也

芙薊其實莠註芙與薊莖頭皆有蒨臺名莠莠卽其實

音俘

正義此釋芙薊之實也上文云鉤芙卽苦芙也
說文云薊芙也繫傳云薊芙之屬卽今刺薊是

又術一名山薊其形相似也芙薊之實皆謂之莠註
芙與至音俘。正義凡草花上抽蒨臺者卽於蒨臺

結實芙蓉亦然故謂其實爲考也監本
作卽其實也無音倂二字今從宋本

萐萐茶註卽芳森蘆芳註皆芳茶之別名方俗異語所

未聞

正義此釋茶與芳之別名也茶者茅秀也地官
有掌茶下士掌以時聚茶考工記鮑人之事望

而眠之欲其茶白也旣夕禮云茵著川茶鄭風云有
女如荼吳語云望之如荼註皆以爲茅秀也茅秀色
白故言白者多取象焉夏小正云茶萑葦之秀顏師
古漢書註云茶者今俗所謂兼錐也又引應劭註以
茶爲野菅葢由兼錐亦色白菅爲茅類以其色白故
並稱茶矣說文繫傳云茶茅秀也荆楚歲時記引健
爲舍人曰杏萐如茶可種白沙亦以茶爲色之白者
也又謂之萐又謂之萐聲之遊轉也芳者葦類之秀
又謂之森又謂之蘆皆聲
轉也廣韻云蘆萑葦秀

葦醜芳註其類皆有芳秀

正義此釋上文芳爲葦之類
也說文云芳葦華也繫傳云

芳者抽條搖遠生粵而無孳萼也今人取之以爲帶日茗帶是也說文又云荊芳也是葦之類也

葭華註

卽今蘆也兼葦註似蒹而細高數尺江東呼爲

廉蒹音廉葭蘆註

葦也

莢亂註

似葦而小實中江東

呼爲烏蘆音正其萌蘆註今江東呼蘆筍爲蘆然則

葦葦之類其初生者皆名蘆音縵縵

正義

曲禮述殷制天子之六工

其一曰草工鄭註以爲作葦葦之屬周官大司徒土會之法所謂叢物也葦葦之爲用至廣故爾雅釋之特詳釋言云莢亂也莢亂也皆指葦而言此又兼葦而釋之也葦葦二物易致相混詩疏引李巡註云蘆亂共爲一草是不辨蘆之爲葦亂之爲葦二者不可相混矣夏小正云葦未秀爲莢葦未秀爲蘆七月毛傳云亂爲葦葦爲葦孔穎達云此二草初生者爲莢長大者爲亂成則爲葦初生爲葦長人爲蘆成則名

爲葦孫炎以蘆葦爲二草是也。○葦華。○詩疏引舍人云葦一名華。吳光引詩云彼茁者葦。李邕云葦初生騶虞。鄭箋亦以爲記蘆始生時也。○葦蘆。○葦一名蘆。說文云蘆葦之木秀者。秦風云蘆葦蒼蒼。毛傳用爾雅疏引陸璣疏云蘆水草也。堅實牛食之。令牛肥。強。青徐州人謂之蘆。兖州遼東通語也。○葦蘆。○葦一名蘆。此申釋上文所謂葦也。淮南修務訓云未秀曰蘆。已秀曰葦。倣與訓云蘆葦之厚。高誘註云葦蘆中白。○葦亂。○葦一名亂。此申釋上文所謂蘆蘆也。說文云蘆葦之初生。一曰亂。一曰騶。蘆或作葦。衛風碩人云葦芟芟。揭揭。毛傳用爾雅疏引陸璣疏云亂或謂之荻。至秋堅成。則謂之葦。其初生。二月中其心挺出。其下木大如箬。上銳而細。揚州人謂之馬尾。○其萌蘆。○說文云萌艸芽也。又云夢灌淪讀若萌。灌淪爲草之萌生者。則下文淪字當上屬。與郭讀異也。○似蘆至音蘆。○正義。監本作似葦。而細案蘆卽葦之未秀者。不當云似葦。宋本作似蘆。今從之。說文繫傳云江之西岸多有之。今人以爲蘆。薄疑因此名。

蘼也江東呼爲蘼蒢監本無蒢字今從宋本郭註子
虛賦作江東人呼爲蒢蒿疑傳寫之訛○葦也○**正**
義詩疏引李巡云分別葦類之異名也郭以蘆卽爲
葦與李巡異○似葦至音正○**正義**詩疏引樊光云
葦初生蔥駢色海濱曰蘆鄭註玉藻云蒹葦帶也釋
文引郭氏云卽烏藍也取其苗爲帶監本無音正二
字今從宋本增補上同○今江至縋縋○**正義**郭意
以蘆之芽爲縋而葦之芽亦得名縋也音縋縋者猶
云音縋
縋之縋

蒹葦華榮

註

釋言云華皇也今俗呼草木華初生者

爲葦音孺猪蒞猶敷蒞亦華之貌所未聞

正義

說文

皇榮也麥榮也蒞通作敷說卦傳王肅本云震爲敷
六書故引王肅註云華之通名鋪爲華貌謂之敷是
蒹葦華榮五字轉相訓也**註**釋言至未聞○**正義**
郭氏釋言註引此文互相證明也葦讀如孺猪之孺

滄猶敷滄者劉達吳都賦註云敷滄
華開貌李善云藹與滄同庚俱切

卷施草拔心不死

註宿莽也離騷云

正義卷施草名以冬生能拔心而不

死爾雅翼引南越志云寧鄉草多卷施拔心不死江
淮間謂之宿莽**註**宿莽至騷云**正義**離騷云夕擘
洲之宿莽王逸註云草冬生不死者楚人名之曰宿
莽案方言云莽草也南楚曰莽是莽爲草之總名宿
莽則卷施草也郭氏讚云卷施之草拔心不
死屈平嘉之諷諫以此取類雖邇興有違旨

芍菱

註

今江東呼藕紹緒如指空中可啖者爲菱菱卽

此類

正義

芍一名菱說文云芍菱也茅根也菱艸根

皆得此名也**註**今江至此類**正義**郭氏舉類以曉
人也藕紹緒監本誤作經緒今從宋本改正類篇云

芍藕紹也本

於郭註也

荻根

註

別二名俗呼韭根爲荻

正義

此釋荻卽爲根也方言云荻杜根也東齊

曰杜或曰荻說文云荻艸根也繫傳云荻草木枯根也

註別二至爲荻。**正義**此因韭根有荻之名舉以相証也汜勝之書云陳根可拔陳根猶言枯荻矣

櫨橐含

註未詳

正義

橐含一名櫨上文烏階亦名櫨郭

鄭君所見木異橐含當作橐盧卽烏階也

華芩也

註

今江東呼華爲芩音敷華芩榮也**註**轉相解

正義此中釋上文華榮之異名也方言云華芩賦也齊楚之間或謂之華或謂之芩郭氏彼註云芩亦華

別名監本郭註脫音敷二字今從宋本

木謂之華草謂之榮不榮而實者謂之秀榮而不實者

謂之英

正義

詩疏引李巡云分別異名以曉人也木
南云華如桃李是也草謂之榮者夏小正云正月梅杏地桃則華召
董榮芸月令云木槿榮是也不見其榮但見其實者
名秀大雅生民云實發實秀孔疏云此亦對文爾其
實黍稷皆先榮後實小雅出車云黍稷方華是嘉穀
之秀必有榮也案華秀散言俱可通用鄭風云隰有
荷華月令云菊有黃華是草亦稱華夏小正云七月
秀萑葦是秀爲不實者也榮而不實者謂之英郭註
山海經引爾雅作榮而不實謂之葍蓋據別本也類
篇云葍草

名不實

爾雅正義卷第十四